



四庫著錄徐正字詩賦二卷提要徐寅
依王審知幕府歸老延壽溪著有探
龍釣磯二集共五卷久已散佚無存其
裔从文苑英華唐音統籤諸書哀輯
成編僅存賦八首詩三百六十八首此本名
釣磯集賦五十首詩二百六十五首

唐秘書省正字先輩徐公鈞磯文集序



朝請郎編修道史檢察官兼次崇文總目管江



許州太平觀守秘書省著作佐郎賜紫魚袋族

正字孫師仁撰

正字諱寅字昭夢按五代史閩世家稱正字唐時

以進士名依玉審知仕宦九國志列傳正字莆田

縣人乾寧初舉進士禮部試止戈為武賦一燭繞

盡已就有破山加點擬無人之句侍郎李擇覽之

而奇之是歲釋褐秘書省正字歸寧於閩中屬江
淮盜蠱起退居延壽溪王審知聞之辟居幕下而
禮待簡略內不能平一旦拂衣去曰丈尺之水前
陂後堰安能容萬斛之舟乎尋舊隱慨然有長往
之志王廷彬刺泉州每同游賞及陳郊倪曙等賦
詩酬酒為樂凡十餘年求還所居嘗被病遣求藥
物於廷彬答書曰善自調護亦可自開豁三皇五
帝不死何歸蓋舉賦語以戲之竟卒于延壽之別

墅本朝張丞相齊賢記正字未第時道汴州進謁
梁祖面賦無雲雨篇之就其斷句云爭表梁王造
化功大蒙賞遇及解褐東還祖為開宴醉中誤觸
諱歸館了悟憂在不測複製遊大梁賦以獻其略
曰客有得意還鄉遊于大梁遇郊垌之耆舊問今
古之侯王父老曰且說當今休論前古昔時之功
業誰見今日之聲名有觀中一聯云遂使千年漢
將憑吉夢以神符一眼胡奴望英風而膽喪祖曾

夢韓信授以兵法胡奴指李克用也祖讀至此大
悅令軍士傳寫皆諷誦之敕字酬一縑不復責前
事按崇文總目正字賦五卷探龍集一卷題曰偽
唐徐某撰正字實未嘗仕偽唐也師仁家故有賦
五卷探龍集五卷正字自序其後又於蔡君謨家
得雅道機要一卷又訪於族人及好事者得五言
詩并絕句合二百五十餘首以類相從為八卷并
藏焉正字人生幾何賦至今膾炙人口兒童婦女

往往道徐先輩而集有贈渤海高元固詩序云高
見訪於閩中言本國得斬蛇賦御溝水賦人生幾
何賦家家皆以金書列為屏障又自詠詩註云溫
陵使宅有圖障二面張林西樓書手作迴文八體
詩每一首顛倒讀成八首以此知正字之文不獨
行於當時名於後世亦播於異域也然八體迴文
詩尋討未獲小說載紅綾餅餡絕句亦不見全其
餘碑碣之屬甚衆類皆亡失豈其賦名特高故他

文遂不俱傳歟今觀成疏頗類玉溪而律詩精練亦不減同時韓致光吳子華諸人也惜乎遭罹亂世不獲少伸其志其來閩中且有前陂後堰之歎安有為朱溫所屈哉殆亦遜言避禍不得不爾也張丞相記頗詳足以附見建炎三年三月序

唐秘書省正字先輩徐公鈞磯文集

文集者入莆第五代祖先輩公所撰文也公諱寅

字昭夢登唐乾寧進士第試止戈為武賦魁天下

授秘書省正字先輩時人推尊之稱也鈞磯乃歸

隱適意處號也予嘗觀舊譜載十二代著作佐郎

賜紫魚袋師仁公所著文集序云先輩公文字頗

多家故有賦五卷探龍集五卷又於蔡君謨家得

雅道機要一卷詩二百五十餘首蓋詳論之既有

其序時必有集今皆亡失故常鬱鬱不樂凡對族人惟以不得其文為憂嘆至延祐丁酉歲叔父司訓公于洛如金橋林必載家得詩二百六十餘首復於己亥歲族叔祖道真公遺賦四十篇不勝欣慰合而寶之後則屢求未能再得洎邇歲塵事稍息謹述世緒聲跡已詳於譜牒復讀威武軍殿中侍御史劉公山甫撰公墓誌銘謂公所著詞賦感動鬼神搜括造化又謂悲泣百靈包羅萬象明珠

無價至道不文窮達理性諷誡澆淳合先聖賢之意矣讀之至是愈有所感今則據其所得詩賦暫編成卷裝潢類諸譜牒合與族人暨諸君子共之可以知吾祖先手澤尚存而流衍無窮抑祝厥後子孫勉而求之以增是卷庶不負吾故家文獻之烜遂燿書之以為後之識也裔孫元可珍謹識

唐秘書省正字先輩徐公鈞磯文集目錄



卷第一

賦三

御溝水

勾踐進西施

首陽山懷古

毛遂請備行

陳後主獻詩

斬蛇劍

人生幾何

薦蘭相如使秦

元宗御製盧徵君草堂銘

鮫人室

卷第二

朱虛侯唱田歌

避世金馬門

貴以賤為本

管仲棄酒

知白守黑為天下式

漁人空

外舉不避讐

東陵侯弔蕭何

義漿得玉

扣寂寞以求其音

澗底松

卷第三

太極生二儀
員半干說三陣

文王葬枯骨

五主宅

駕幸華清宮

再幸華清宮

卞莊子刺虎

鑄百鍊鏡

元宗御注孝經

割字刀子

卷第四

止戈為武

入國知教

福善則虛

垂衣裳而天下治

豐年為上瑞

歌言

竹篋子

不言錢

朱雲請馬劍

江令歸金陵

卷第五

過驪山

樊噲入鴻門

漢武帝求仙缺

隱居以求其志

山暄孤猿吟

白衣入翰林

星缺

雷乃發聲

寒

伍員知姑蘇臺有遊鹿缺

詩

卷第六

長律八首

依御史溫飛卿華清宮

尚書命題瓦硯

尚書會仙亭

和尚書詠泉山瀑布

自詠

東風解凍

和僕射于四丈牡丹

釣絲竹

五言律詩二十一首

旅次寓題

釣臺

贈嚴司直

贈東方道士

題僧壁
和人經隋唐間戰處

追和常建漢王昭君
贈董先生

河流
題南寺

北山秋晚
昔遊

酒胡子
弔崔補闕

弔赤水李先生
香鴨

雞
白鴿

龜
銀結條冠子

蜀葵
七言絕詩二十八首

鏡中覽懷
楚國史

張儀
薔薇

大夫松
杏園

蕉葉
路旁草

讀漢紀
李夫人二首

明妃

馬嵬

依韻贈南安方處士五首

依韻答黃校書

傷進士謝廷皓

聞司空侍郎下世

偶題二首

猿

追和賈浪仙古鏡

蝴蝶二首

新刺襪

卷第七

七言律詩五十二首

華清宮

再幸華清宮

鬢髮

喜雨上主人尚書

迴文詩二首

不把漁竿

古往今來

十里烟蘿

偶書

潤屋

退居

閒門

開窓

燈花

東歸歲留別知己

詠懷

郊村獨遊

經故翰林楊左丞池亭

經故廣平員外舊宅

潘丞相丞祐舊宅

門外閑田數畝

北園

溪上要獲白簾扇

招隱

憶山友

溪隱

酒醒

夢斷

人事

休說

嘉運

綠鬢

驕侈

龍蟄二首

逐臭蒼蠅

牡丹花二首

尚書座上賦牡丹花

依韻和尚書再贈牡丹花

郡庭惜牡丹

追和白舍人詠白牡丹

憶牡丹

惜牡丹

覽柳潭汀洲採白蘋之作

司憲官無諸移到玫瑰花

梅花

荔枝二首

菊花

畫松

卷第八 七言律詩五十二首

草木

以言事詩五下松

竹

郡侯座上觀琉璃瓶中游魚

尚書打球

尚書惠蠟面茶

勸酒

斷酒

憶舊山

西華

嵐似屏風

憶潼關

憶潼關早行

鴻門

憶長安行

憶長安上省年

長安述懷

長安即事三首

東京次新安道中

山陰故事

溫陵即事

漫殘鴈書懷寄崔尚書

義通里寓居即事

上陽宮詞

西塞寓居二首

題福州天王閣

憶薦福寺南宮

塔院小屋四壁

題琉璃院

寺中偶題

山寺寓居

寄僧寓題

遊靈隱天竺二寺

醉題邑宰南塘屋壁

題泗州塔

東歸題屋壁

寓題

偶題

寓題述懷二首

將入城靈口道中作

新屋

新葺茆堂二首

茆亭

客廳

詠寫真

放榜日

曲江宴日呈諸同年

渤海賓貢高元固先輩閣中相訪

卷第九

七言律詩五十二首

偶吟缺

贈表弟黃校書輅

輦下贈屯田何員外

贈月君

贈垂光同年

贈楊著作

贈黃校書先輩璞閑居

尚書榮拜恩命二首

府主僕射王搏告

獻內翰楊侍郎

送劉常侍

送盧拾遺歸華山

春來送陳先輩之清源

上盧三拾遺以言見黜

送王校書往清源

齊端午日送人遊柳連

賀清源太保王延柳首

春春日即事寄主人尚書首

寄華山司空侍郎三首

寄盧端公同年

寄天台陳希啟

寄兩浙羅書記

邑宰相訪翼日有寄

白酒兩瓶送崔侍御

依韻酬常循州

謝主人惠綠酒白魚

蜀

魏

吳

兩晉

宋二首

陳

讀史

漢宮新寵

開元即事

李翰林

聞長安庚午歲事

公子行

依韻贈嚴司直

傷前翰林楊左丞

日月無情

新月

和尚書詠煙

宮鶯

雙鷺

鷓鴣

卷第十 七言律詩五十二首

鷹尚書信數

蝴蝶二首

剪刀無韻

紙被

紙帳韻

貢餘秘色茶盞

蜀鞭

詠簾

詠燈

詠扇

詠筆二首

詠錢

尚書庭中詠紅手帕

尚書新造花牋

釣車

柳

愁

草

螢

水

茗

曉

別

夜

雨

萍

恨

鴻

鶴

鵲

淚閑 泉霞蟬雲南東帆霜

月忙 煙蒲露燕北西夢風

釣磯文集目錄終

目錄

十一

後漢文集目錄


唐秘書省正字先輩徐公鈞礪文集卷第一

唐徐寅昭夢著

賦

御溝水賦

月苑花隄遙濟東渭



陸海之中昆明以東御為溝而有自溝注水以無窮紫閣之千峰清辭玉洞瀉銀河之一派冷入瑰宮我西都也地正三秦天連五緯不知此水之出但見斯溝之貴既非減灞以分漚又匪疏涇而

鑿渭是何飛下雲霓
高走低潺湲乎元豹里北
繚繞乎靈龜岸西豈因水伯穿地維通來玉甃必
是神龍為天子吐灌金隄上遶蓬瀛中伴溟渤涵
暮景於瓊殿倒晴光於絳闕色入天池遠不遠兩
岸垂楊聲噎金屋眠不眠六宮明月迴寫宮堯高
連碧霄朝宗而鳳沼將近習坎而龍宮不遙激今
古之雄都千門水鏡截東西之大道幾處虹橋豈
不以決泄年長泉源地遠青蕪濯翠兮宵雨霽紅

杏飄英兮春日
晚堪歌聖代浮通其德澤恩波莫
問當時流破其秦宮漢苑香徹天涯
先來帝家重輪而瑞蘸紅日五色
而光搖彩霞時時而翡翠隨波
飛穿禁柳往往而鴛鴦逐浪
嚙出宮花其或赫日流金輿人望歲
或憂地利以將失願假天波而下濟
分紫禁以餘潤作黔黎之大惠則禹濬川也
不為已而為人農擊壤焉不荷天而荷帝玉堂金
殿兮知不知敢進芻蕘於此際

斬蛇劍賦

磨霜礪雪兮熒煌錯落伊逐鹿之英聖兮有斬蛇
之鋒鏑蓋以麾正乾坤劃分善惡楚國之姦雄徒
爾烹若窮鱗常山之首尾胡為斷如朽索斯劍也
上應君臨舒陽慘陰有其道則威若身兮靈若心
無其道則鉛其刃兮木其鐔惟上德之在火協紅
爐之躍金莫不龍活三尺霆飛半尋是何靈貺之
異天啓之始而乃振戎衣受秋水匣辭乎豐沛之

邑腰入乎崑函之里日月方暝雲雷未啓有大蟒
以橫路礙潛龍之舉趾上較天意下量地紀視銛
鋒而何斯違斯擊怪物而究其死矣然後挫七雄
削多壘豈惟仗之剪長蛇而戮封豕蓋將提之令
諸侯而禪天子得非秦毒之奢化作長蛇漢德之
儉化為神劍奢以儉陷蛇以劍斬道在晦而須顯
事有增而必減果聞哭白帝之亡符赤帝之昌雖
行大義亦假雄鉞莫不龜文龍藻玉鏤金裝世亂

將用時清則藏十二年兮加我淬七十陣兮擢爾
剛空山吞象之鱗豈鉞蓮鏑大澤嚼珠之血不汚
星光然後歷興亡經得喪漢之滅兮魏之授魏之
衰兮晉之仗晉火起兮高飛豈混烟煤之狀

勾踐進西施賦

惑人之心兮惟巧惟諧破人之國兮以妖以艷當
勾踐之密謀進西施而果驗昔者二國相吞陵卑
恃尊殊不知卑則自亡而固存尊則為明而反昏

鳥喙年年誓啄夫差之內稽山日日拜聽范蠡之
言言曰伍員之賢東吳之德伯嚭之佞東吳之賊
德之盛兮越可憂賊之興兮吳可殛臣以夙夜而
計機謀偶得欲狂敵國之君須中傾城之色待其
聲色內伐君臣外惑自然紂妲己以亡宗晉驪姬
而亂國今苧羅之山越水之彎恐是神仙之化忽
生桃李之顏波淺丹臉鴉深綠鬟顰翠黛兮慘難
效浣輕紗兮妖且閑楊柳羞弱芙蓉耻妍可以變

柳惠於貞莊之際悅荆王於魂夢之間臣請進馬
王今何以王乃豁若而喜矍然而起曰此蓋神假
卿之奇畫天雪越之前恥乃命寶馬騰龍香車輶
風迎織女於銀漢聘姮娥於月宮炫燿雲外喧闐
洞中粧成而瑞玉凝彩服麗而朝霞剪紅昨日猶
賤今晨不同寧期大國之君流思下及堪恨鄰家
之婦謂妾長窮曉別越溪暮歸吳苑越慮計失吳
嫌進晚歌一聲兮君魄醉笑百媚兮君心卷坐令

佞口因珠翠以興言立遣謀臣棄洪濤而不返勾
踐乃走電驅雷星馳箭催投醪而士卒皆醉嘗膽
而胷襟洞開虎噬骨碎山崩卵摧楚腰衛鬢化為
鬼龍樓鳳閣燒作灰於是命屠蘇之酒上姑蘇之
臺伊霸業以俄去我英風而聿來於戲殺忠賢而
受佳麗欲不敗而難哉

人生幾何賦 歸心主朴福履何容

葉落辭柯人生幾何六國戰而謾為流血三山神

而杳隔鯨波任誇百斛明珠豈延遐算或有一卮
芳酒且共高歌豈不以天地為爐日星為紀雖有
聖以有智不無生而無死生即浮萍死為流水七
十戰爭如虎豹竟刎烏江三千賓客若鴛鴻難尋
珠履擾擾忽忽晨雞暮鐘命難保兮霜與露年年不
禁弓楛與松問青天陰慘陽舒拘人否泰嘆白日
東生西沒奪我顏容可惜繁華堪驚倚伏有寒暑
兮促君壽有鬼神兮妬君福不覺南陵公子綠鬢

改而華髮生北里豪家昨日歌而今日哭夢幻吞
侵朝浮夕沉三光有影遣誰繫萬事無根何處尋
易伏猛獸難降寸心眼看西晉之荆榛猶經白刃
身屬北邙之狐兔尚惜黃金奈何荒色嗜音雕墻
峻宇君不見息夫人兮悄長默金谷園兮閔無覩
香閣之羅紈未脫已別承恩春風之桃李方開早
聞移主邱塚纍纍金章布衣白楊芳草正堪恨逐
利爭名何太非常聞蕭史王喬長生孰見任是三

皇五帝不死何歸吾欲挹元酒於東溟舉嘉肴於
西岳命北帝以指榮辱召南華而講清濁飲大道
以醉平生冀陶陶而反朴

首陽山懷古賦

人和德風迹老志樂

首陽山兮非秀非隆因其賢而名高碧空偶巖谷
之逋客問夷齊之古風厚殷紂而薄宗周曷稱仁
智棄三隅而執一向可謂昏蒙且紂以斲脛求歡
剖心取樂空寰瀛不足以充其欲罄竹帛不足以

編其惡民驚而萬國崩離天怒而三光舛錯肉為
林也怪山嶽之非高酒作池焉笑江湖之易涸姬
乃畋於渭濱會於孟津左白旄而右黃鉞應乎天
而順其人莫不洗塗炭於四海解仇讐於萬民著
金縢者乃昆乃仲鈞玉璜者持衡秉鈞何不吊紂
之不德慶周之有國而乃助於紂以申詞怨於周
而不食鴻飛豹隱亡身於濁浪之濱蟬腹龜腸化
骨於孤峯之側逋客曰夷齊以讓國無為求仁立

規何歷數之不究曷興亡之不籌非不知周之可
輔紂之可隳所憂者乃萬紀千齡所救者非一朝
一夕恐後代謂國之可犯謂君之可迫强者以之
而起亂勇者以之而思逆所以激其時而抗其迹
往者勗而來可懲義要行而身不惜余乃陟彼高
岡遐思耿光嶺上之松筠抱直邱中之黍稷非香
未知靈氣何化身魂曷彰為聖賢則孔子顏子作
嘉瑞則麒麟鳳凰縱天柱折而地軸摧斯名不泯
任月兔死而日烏銷厥德逾芳於戲鍾其濁則為
佞為邪稟其清則為英為異垂名之士餓林數飽
食之人破天地是宜徵繪事而寫高山仰止先賢
之志

薦藺相如使秦賦

為節名顯璧論秦國

報國憂君無非薦人嘉繆子之匡趙擢相如之使
秦懷寶懷才不是迷邦之士有仁有勇可為銜命
之臣昔者秦以輕諾連城僥求尺璧不從則吾國

難保將與則荆山可惜廉將軍不能陳其畫馬服
君不能獻其策君臣盡日空憂白璧之亡朝野何
人可奉皇華之辱繆子曰下位推先相如是賢騏
驥請試於長坂鸞鷲須觀於遠天欲將伊呂量力
臯夔比肩推心而皎鏡光動鼓舌而黃河浪懸禍
乃為福媼仍改妍必能挫西秦而不強不大亦能
繼東趙於千年萬年王乃宣恩渥召英傑劔出匣
而齊皇宿松陵空而茂霜雪既佩君命誓傾臣節

智為囊也克藏和氏之珍詞作鋒焉願刺秦王之
血既而西入君門將朝至尊受璧而但驕其色還
城而頻啞其言藺氏乃詭譎反幣初終抗論大國
封疆既君王之失信微臣投璧顧柱石以寧存然
後見秦王雖暴不能肆吞噬之力趙寶雖來卒能
歸邯鄲之國國賞其爵人欽其德獻空籠者固可
抱蓋歌易水者誠宜處默有墨客卿進言以明且
人臣者直以諫主公以取名况先王賤珠玉寶忠

貞是璧也合清投於泉而抵諸谷庶令趙不屈而秦不爭亦足以致其君於淳朴激其俗於廉平安得徇不是以為是枉其行而與行大凡將有國以有家無玩竒而玩異豈不見匹夫以之而側足王者以之而喪志余嘗覽趙國史書竊笑相如之事

毛遂請備行賦

才高德備明決失人

上客縱橫毛公不爭既藏器以待用遂陳辭而請行幾載和光智力之深機但秘一朝效勇囊錐之

奧義斯明當其久陟朱門長謙末德昆吾韜切玉之鋒丹穴戢凌雲之翼懷材抱器何趙國之足匡日往月來笑平原之未識俄而羽檄交催秦兵四來邂逅而君臣就辱遂巡而家國傾頽平原乃入楚求救招賢共裁列簪纓而議也簡文武以行哉恨同心而同德求其濫者何貴耳而賤目棄我全才於是奮發雄辭敷求大志今行侶以將闕輒愚夫而敢備常時維繫騰驤之步誰知今日彌縫穎

脫之鋒可試然後得繼英豪彌輕爾曹瞻鄢郢以
神勵出邯鄲而器高明明特立之試斯期必克蠢
蠢同行之輩應為徒勞及其見楚國之君說秦兵
之孽自旭日以將論至日中而未決遂乃足玉砌
以心動手霜戈而氣折儻一夫之有惜不肯扶危
則五步之非遙立當汙血故得楚國君臣來言盡
導師旅大加於東趙干戈自却於西秦名遂功成
辱殺三千之客解紛排難慙生十九之人則知士

也者不可以貧欺馬也者不可以瘦失何待客以
無鑒幾遺賢於此日伊毛生也重於九鼎之功非
狗盜雞鳴之匹

元宗御製盧徵君草堂銘賦

碧同真徒言竹玉銘

元宗以澤浸乾坤維賢是尊仰盧氏兮晦天爵錫

草堂兮抱節貞

下本下缺十字

如何既不

臣於天子勒銘那惜爰特降於王言徵君以挺操
凌霜維松隱碧弔夷齊為犯上之士怪園綺為沽

名之客莫不洞壑牕楹雲霞簟席去隨麋鹿難留
傳說鹽梅居陋茅茨因錫般垂匠石豹霧鴻冥名
高漢青一千年聖賜梁棟三十六峯擎戶庭金馬
石渠憶神仙之降此蓬扉甕牖假綸綍

曰

龍得水兮躍天威雲得風兮出巖洞雲龍兮有時
興英賢兮違我夢草堂兮超垢氛椅桐兮老鸞鳳
泉之深兮珠珍石之韜兮玉貞彼無脛而猶至此
有德以難親草堂兮隔烟水郊陳兮布麒麟御筆

揮雲元文粲錦玉刊乎帝寵天語迹逸乎雞
晏
寢况乎沙室當檻緱山倒枕有月而簫吹碧洞野
鶴同吟無人而澗鑠流泉野猿同飲色耀琳琅煙
凝御香浮邱而錄載金籍子晉而歌聞玉皇塗山
之帶帛駢羅誰朝夏禹箕嶺之雲瓢寂寞敢讓陶
唐是何暗室卑棲明廷延佇盖由抱其才而富以
德所以錢君恩而銘帝語則知道不遠人可以誠
而內處

陳後主獻詩賦

醉酒言詩所得騷麗

國碎金陵寰瀛鼎新非翰墨不能贊洪業非詞章
無以通紫宸億兆服歸被戎衣而創業華夷共指
比天下以為臣後主以不惜邦家但荒淫之醜不
建道德何歷數之有只貪翠閣留客金壺勸酒寧
知其國換宗祧不覺其身離璽綬秦嬰有志能繫
組於沛公孫皓無歸喜朝天於晉后既而目注君
門心期渥恩體國風而發詠念王澤以興言麗句

今晨翻祝千年之聖丹墀昨日猶居萬乘之尊莫
不枝詠巢南星隨拱北吟搜而律呂相應墨探而
珠璣盡得二儀形內徵日月之光天萬物毫端述
山河而壯國豈是迹辱才高心傷思勞周文美里
以窮易屈氏瀟湘而賦騷荒唐之夢將醒才人不
見唱和之非以悟狎客何逃然後寫入瓊編神趨
丹陛鵷行驚懷寶之屈鳳宸嘆緣情之麗太甲改
三年之過恨不同時陳思驚七步之才嫌當異世

且夫心為志言為詩志也者可以寫於今而論於古詩也者可以刺於上而諷於時明不為舜禹禪而聖晉魏強而欺豈徒詠風雲草木徇榮辱興衰家國何之却有登封之議祖宗誰嗣更無恓惋之詞只聞五字時吟千鍾日醉燕巢堪慄於帷幙烏甯先呈於讖記逡巡煬帝殞江都不及陳宮之故事

鮫人室賦

傳者海中而有斯室

斯室誰見伊人盡傳浩渺而洪波有象深沉而碧浪無邊寶柱文軒恍腫朦而曜日前局後闡通皎晶以澄天異彼鮫人處乎鯨海將洪堂構之麗不逐桑田之改儲晶蓄素刮銀鬼之秋光矗浪凝波刷金烏之晝彩露洗霜融涵虛湛空鑿戶牖以非匹飾椒蘭而不同度木何人範環堵於琉璃地上作嬪誰氏織輕綃於玳瑁牕中鬼瞰終無神功自偶公輸之運斧難造辛紂之瓊宮何有雙標百尺

峇堯而貝闕凌前萬戶千門洞達而龍宮在後醒
魄淒肌通元創竒光攢而琥珀千樹花折而珊瑚
萬枝控巨鯉之真人方能到此泛靈槎之上客莫
入於斯電落窮陰雲閑大廈誰為欺暗之士盡是
泣珠之者霏霏瑞彩凝成蟬蛸之梁漠漠飛烟化
作鴛鴦之瓦鏡瀉淵淪波澄垢氛瓊牕而鰲頂均
岫綺棟而壺中借雲二十四里之漢宮何曾足數
三十六般之仙洞未得相聞則知神化規模天然
異質熒煌但想夫生白剗厠難明其揆日吾欲乾
北海而涸南溟探驪龍於此室

釣磯文集卷第一終

筵命酒貂璫皆戚里豪貴冠蓋盡台階賓友賢愚
但委其天命綱紀定輸於誰手章欲刮其瑕滌其
垢摧其凶破其醜掌握於龍圖鳳祿已斷前言縱
橫其地軸天樞猶歸太后朱虛乃誓遏頽波平妖
剗訛得則赫功名於日月失則化齏粉於干戈在
其誠而不在其衆言於我而不計於它於時玉爵
驟朱顏配直氣仰按昌言切磋曾專執耒之功多
能鄙事粗習貫珠之韻請唱田歌歌曰舜之耕兮

稷之植廓民天而知稼穡疎其苗而固其蒂法於
家而象於國又曰沮之耕兮溺之耘灌漑盛兮除
莠芬挾蠹賊兮多稼稔剪榛蕪兮嘉穀分取厥類
兮去非類諭於臣而象於君想其傾海未竭轉喉
未闕衆愉洽而詭譎我憤惋而剛烈怒聲徹天地
託雅調以成聲熱氣煎肺肝瞬明眸而漬血且以
酒不罰無以肅否臧令不正無以決存亡宣酒令
而為君令假樂章而行國章犯令者誇爾言而鬼

爾族亡酒者肉爾膾而血爾漿我唱也不在深耕
淺種我志也惟在帝業皇綱俄而烹一呂禁陸梁
侍坐者汗滴膽碎旁觀者心顛魄狂呂之強倏爾
而弱劉之弱歛爾而強不自計之取兵之舉帝諸
劉虜諸呂有若乎摧枯拉朽反似乎平秦破楚故
得告功於聖祖削平乎強禦則知伏於誠者須藉
於英傑切於己者莫先乎子孫安子孫而總英傑
故能復宗社而正乾坤向若口不能唱唱不能言

則國豈定而家豈存者也余欲編田歌於樂府上
聞於至尊

外舉不避讐賦

先言親讐聞中民

君子之用心也不以親為親不以讐為讐惟賢是
搜惟德是求舉於上也可以治國匡主疏於爵也
可使公主為侯不可嫉其賢而失公論庇其善而
顯私仇昔者哀公問儒宣尼對曰斯言爭與於鬼
神厥理俱懸於日月國家或利於親於怨以相推

金玉非珍惟信惟忠而罔闕且君之所任任者在
乎哲人人難自舉自舉者在乎忠臣臣又徇私則
君失任君失任則賢曷親如此則壞洪業而隳大
倫者也凡百事君宜其去已勿以已怒而要衆怒
勿以已喜而招衆喜至如已喜者非賢固難續鳧
脛而長焉已怒者誠善固難掩驪頰於暗然病一
身而利四海已於後而物於先豈可哀者不歌惡
鏗鏘於雅樂行人怨雨怪霧霈於甫田又若建宮

室架梁棟在乎繩墨克正而斧斤克中是宜採匠
石之明言不可憾般倮而不用無偏無黨祁奚不
廢於解狐捨短求長齊主寧猜乎管仲人若秀發
閨闈才惟子孫又安得池有龍兮惟蟠惟蟄巢有
鳳而不飛不翻抱其器以須用雖其親而必言親
既不憚讐何足論蓋將抱君寵酬君恩如是則慶
積高門垂裕後昆亘此道而天地永播斯聲而寰
宇宣况有其行者皆聞無其瑕者盡見我縱掩而

人詎揜我不薦而人必薦豈若擢英賢於下位贊
明君於南面外無怨而內無親所舉者皆邦華國
彥

避世金馬門賦

條道君門俗微仙客

名利交奔大隱之人兮心還混元晦其迹而寧歸
碧洞避其時而却入金門亦何必野岸垂釣荒村
灌園目其利而我性非利耳其喧而吾心不喧曼
倩以骨本天仙才唯墨客佩紫禁之珪組別丹邱

之窟宅三冬積學明君之玉棗先知千載為期阿
母之仙桃幾摘口誦詩書身遊紫微滑稽而黃屋
頻諫鴛鴦而青雲共飛雨露恩深列朝廷之百辟
風塵不到隔天子之雙扉不知我者謂我沾寵榮
知我者謂我逃薄祿吏漆園而無得無喪官柱史
兮何榮何辱豈異嚴霜降處難傷夫翠竹青松烈
火焚時不損其良金璞玉不在巖谷終身揖飛泉
而眠白雲昧其道則身山林而心垢氛曷若干大

國而謁明君顯其道則心無瑕而身榮勲衆炫燿
兮我不見衆喧譁而我不聞觀啓石渠豈異清溪
之景宮開白虎寧思元豹之羣且避世者在乎遠
其禍棲蹤者在乎求其道殊不知道也者不在乎
人而在乎我禍也者在乎貪其財而瀆其貨我今
以珠玉而為丸礫以希微而通壽考簪裾照耀誰
思箕嶺一瓢閭闔優游堪笑高山四皓一旦武帝
求元靈姝降天指出三清之侶言非下界之賢自

茲玉石分美公卿諤然五利文成謾說三山之藥
金櫃瑣闥常居六洞之仙豈不以華夏無虞君臣
胥樂負其才而皆取名位背其理而乃居林壑臣
今歌紫宸誦黃閣庶金門之馬有託

東陵侯吊蕭何賦

容存雲壑名繼石網

吊哀哀戚兮世之常情吊豪貴者人難敢行有秦
朝之俊又憂漢室之公卿莫不指先兆談未萌人
生之倚伏難逃如形如影天道之盈虛有數暮落

朝榮當其秦楚兵銷君臣義閉江南誅布之後代
北平陳之際彭越先斬淮陰以繼周勃之兵機第
一縲紲常拘鄴侯之相業無雙豺豕再衛且侯也
道赫巖廊權傾紀綱才吞伊呂道亞皇王欲怒而
蚪龍伏匿流恩而瓦礫輝光人民顧我以無先何
憂何懼邦家因吾而肇造為棟為梁邵平則近甸
隱淪前朝侯伯叔孫去國而制禮綺季因時而遁
匿於是入青門尋紫陌波瀾濟陸海之岸劍戟列

三台之宅朱門赫奕初驚草澤之人黃閣魏莪乍
揖瓜田之客客曰冒寵承恩憑高恃尊家不善而
殃至神害盈而禍翻木必摧秀葵須衛根賦命而
吉凶同域由人而禍福無門當時豐沛之間差肩
並起今日干戈之後屈指誰存鷲蹠履冰燕巢懸
幕兔殘而獵犬誰惜敵盡而謀臣曷作五子不省
屍漂於壘浪驚濤苑蟲能辭身隔乎重湖遠壑今
則瑰寶酬恩兵戈衛君以架顛危於累卵堪驚富

貴於浮雲侯曰事既將悟計乎已聞客來悽愴而
諭嗚呼以云良田廣宅擬可用積玉堆金奚不分
漏盡光催魑魅而看將笑聚妖生孽作妻孥而豈
得同群侯乃徇彼英詞師其上德能全終始於當
代果釋猜嫌於大國良哉避陳主而吊漢侯果見
東陵而鑒識

貴以賤為本賦

陳諸榮賤迹豈下馬

貴不可偶貴故託賤以為本賤不可久賤故從貴

而顯諸因考貴以由賤乃明終而有初則知失其
本而事不立得其本而義有餘吾嘗詢道德之至
理知貴賤之終始當侯其為龍為光必先乎藏垢
懷耻徵乎諭也義同乎高以下為基驗以誠焉理
協于洪由織而起今請疏當時貴賤書往代君臣
漢得鹿兮始諸亭長周興龍兮自彼戎人殛鯀帝
王雷澤與歷山舊隱擲盧天子耕衣將農器嘗陳
此君上之貴也賤為本以相因媿用晦而以明此

澄高而自下太公相國昔垂釣曲逆封侯曾宰社
雞鳴末客終為輔主之人燕領將軍亦是鬻書之
者此臣下之貴焉賤為本以相假人既有矣物以
宜焉則有寶銜明月珠含媚川價重千金乃蚌胎
而產矣光照午夜亦蛇口而生焉彼珠璣之貴也
賤為本以相公在乎潔於道不在穢乎跡復有稱
連城而趙國瑰璜號垂棘而晉宮輝赫崑嶽混潤
之片不亦沉沉荆山碌碌之英乃聞韞石此瓊玉

之貴焉賤為本以相易得不以其賤而為根為蒂
以其貴而為華為英有根有蒂而英華始茂亡根
亡蒂而英華曷榮亦曰天道無形宗淡泊而成道
政聲無朕扣寂寞而致聲愚今察聖人之理探老
氏之言斯見窮其微而知其要曠其隱而從其善
所以明富貴之本焉又安得久處於貧賤

義漿得玉賦

仁達德天錫奇如已

義漿殊賤玉惟至珍有楊元之立德果陰隙以酬

仁豈非惻隱天資不為恩而思自感明誠日皎不
望報而報自臻所以悲其遠道長征窮途未達或
朔風而千里遐阻爍火景而四郊空闊堪嗟其自
北自南每想其再飢再渴一瓢白水能頒歧路之
人數仞朱門誰顧風塵之末於是博施無偏壺漿
湛然清若元酒甘如醴泉既日日以又日復年年
而一年注以何窮問東流於巨海浸而無怠瞻北
斗於遼天莫不椒桂飄香雲霞艷色行人欣塞路

之美戰士豁鹽梅之感無冬無夏不酌水以酌心
暮往朝來非飲漿而飲德寒暑相移精神罔虧人
不報而神代報世未知而天已知俄而垂感應降
瑰兮被褐懷來五侯之家獲寶盈疇種罷連城之
價驚時倏作瑤璋俄同珪錫凝雪彩於三逕貫虹
光於四壁則知矯其施者恩絕竊其珍者禍積嗟
來與食寧招蒙袂之人再獻為心謾剖燁山之石
且夫濟人渴者尚報非虛薦人善者厥報何如渴

之濟兮小恩小惠善之報兮開慘開舒可以慶其
國高彼門閭克商於簪纓爵祿豈惟瓊玖璠璣
事在何人道歸君子陰其德而德於心陽其報而
報於已昭然貽厥於孫謀不並義漿之理

管仲棄酒賦

辨說為賢位尊王德

酒不可嗜嗜之者必致危顛酒可以誠誠之者其
惟智賢嘉管仲後醒之說當齊侯開宴之年九醒
雖珍盡棄丹墀之上一言可聽將陳綺席之前當

其邦國誰憂樽壘不淺將傾海以為飲孰懸河而
進辨列坐而腰金拖紫寧問安危終朝而舉日飛
觴惟求沈酒仲乃拜捧瑤卮傾言吐斯縱竹葉以
非貴任蘭英而罔竒不嚙涓滴如無禮儀左右相
驚幾謂其棄王以非公侯莫測應云其不死胡為
君子爰詢大夫遂說臣非怠於恭敬臣非輕於麴
蘖蓋將入口以言失或者言失而身滅再思敢棄
於君所三省得中於臣節臣聞酒禍難防臣何以

義和惑以身喪傑紂耽而國亡臣今棄其禍而不
棄於酒臣願醉於道而不醉於觴何不規後世鑒
前王太康酣而昆仲悲怨大禹惡而邦家耿光夫
如是又何必欣腐脅而候穿腸者哉公乃擢彼昌
言師諸碩德穰苴未可以倫比竄威誠宜於緘默
衆人龜俛應慙皆醉之容惟我端莊益勵獨醒之
厄則知立誠者莫溺旨酒輔生者須申謹言酒不
溺則樞機自正言苟申則忠信常存大計安邦致

一匡而永逸殊勲佐國君五霸以彌尊則管氏也
可與周召同風夔龍並位能棄酒以無諂表為臣
之不二昭昭青史見清英克播於千齡萬祀

扣寂寞以求其音賦

清心求元都韻自合

寂寞何有聲音內并不叩而基局自啟能求而律
呂方呈馳神於不宰之鄉寵將造化運思於無形
之景剖出清涼豈不以大道將秘正聲無自走六
合以何有歷千門而曷致縱得伶倫之管吟亦徒

為便多子治之聽聰將不至我則聞寂寂。戛戛向
無象以取象。無音而索音莫不塞耳目廓曾襟靡
在疎而在靜不由物以由心透恍惚以斯採觸杳
冥而獨尋擊揚雄吐鳳之門應憐鳳嘯排老氏猶
龍之闡別契龍吟是音也非桑濮之傳者異齊秦
之奏也得之則協人神暢風雅本冲漠而將有豈
喧譁而與假考靈臺而入聽我調斯鳴循樂府以
來追我音則啞就默祈喧稀其大焉下不在乎地

高不在乎天遠不在乎物外近不在乎目前以諷
諭君德經綸化權以約黃鍾而定律如依赤水而
探元亦由字本無文究蟲篆而斯文遂顯木元無
火鑽槐樹而厥火俄然在乎折彼誠明分諸兆朕
拂希夷而瀏亮潛引剝淺薄而滄洋自振豈比夫
宣尼宅在依稀留金石之聲秦女臺空彷彿有鸞
鳳之韻寂與冥兮虛更幽聲與音兮深且柔未嘗
扣之將扣在勤求之所求豈不以役智而偶凝神

以搜雖蒼蒼之道將授亦軋軋之聲若抽如綠綺
之空濶彈來始應若清泉之阻塞決破方流儒首
貴陸氏之賦成與昭明之道合欲三變之清異陋
衆音之錯雜每慙文藻比芻蕘願侯王之海納

知白守黑為天下式賦

明彰晦金福存德教

白為象兮皎焉明焉黑為象兮暗然昧然踞其明
而為事之賊混其味而為道之筌白以將行恐率
土之惡盈患作黑之為式庶普天之用晦功全昔

聖人以抱玄默取道德既溢日以知白復亡形而
守黑黑雖朽而守緇白將變而易色和其光也為
萬有之憲章同以塵焉作羣生之楷式愚嘗出知
白之藩入守黑之門就其曜而不曜居其昏而不
昏白易玷而式易立黑無文而式可存豈不見卞
和獻荆岫之珍先傷足脛大禹治北方之水後化
乾坤至如佩寵光綏景福殊不知寵之極兮辱之
繼福之多兮禍之速天時尚有其盈虛人事須防

其反覆神龍龜聖嘗聞其醢肉剝腸象齒墮珠但
見其焚軀剖腹此白也可知庶思之而自勗則知
弱可吞強柔能制剛土之弱兮能廣載水之柔兮
流且長得不暗室自處明誠自彰所以耕稼歷山
果見重華之帝羈纍至里終歸西伯之王斯黑兮
可守庶存之而不忘其為知兮不在乎外其為守
兮不在乎內協上德之不德諒靡明而靡昧如此
則外滅浮榮中含利貞功其成而不宰致其勝而

不爭縱泥滓之埋光瓊瑤愈潔任煙霞之蔽影日
月終明老氏所以著此垂言流而設教帝王法之
而自英自聖臣子體之而乃忠乃孝余將優游於
元化之鄉每勤行而是效

澗底松賦

四韻上主司

碧澗千仞青松幾年豈天生之有異蓋地勢以居
偏挺操彌貞雖厄巖巒之下掄材倘鑒合居樗櫟
之前則知植物之近不可用而或用生物之遠其

可貢而誰貢伊彼良木限乎深洞俟時幾慮其樵
採抱直屢思其樑棟神如我化何慙其青竹成龍
工未我求且伴其高梧宿鳳翠鎖山椒心凌碧霄
生風而虎豹吟嘯拂水而龍蛇動搖安得伴磊磊
之石因離離者苗奚三公之夢猶阻豈萬乘之封
尚遙何殊孔明之先主未迎空懷良策呂望之文
王非獵不到終朝今則希匠斤採溪壑如拔之於
高岸邃谷可營之於帝宮仙閣澗底松兮才不才
候般輸之所度

釣磯文集卷第二終

唐秘書省正字先輩徐公鈞璣文集卷第三

太極賦

太極生二儀賦

太極何名其形混成畫一氣以中斷區二儀而始
生厚載者所以凝其獨高明者所以厚其清吾嘗
究天地之初洞胚腴之始本無兆以無朕竟何聽
以何視茫乎大醉之鄉寂若無生之理我形影以
都秘我音響而未起混沌將至唯聖乃出隨我聲

而發音響逐我象而設形質於是上泝無邊昭然
廓然營空碧而星辰錯落豁東西而烏兔高飛漢
玉奚水河銀曷泉無得而踰六律而宗成大化不
言而信四時而飛作流年此一儀者天也上以昭
宣復以一撮之多九垓攸布聳華嶽以西峙洶滄
溟以東注蔓延生植滄洋制度何舟何楫凌開白
浪為程誰馬誰車碾破青山作路此一儀者地也
厚惟固護嗚呼太極故兮二儀新二儀新兮四象

分我目明兮所見耳餘聽兮所聞五色成章炳煥
而光昭朴素八風從律淒涼而吹散氤氳彼天得
一而清地得一而寧秉造化之鈞軸絡虛無之紀
經莫不潤之以風雨鼓之以雷霆揭大象以垂象
鞠無形而有形然後伏羲聖黃帝靈龜龍負而乾
坤定位文籍生而詐偽開局但見高極九重下盤
四角日炤朝兮月炤夜融為川兮結為嶽既將入
我死而出我生亦何必剖先天之清濁

員半千說三陣賦

武功藏用國家錄焉

天地人陣者其誰以測惟聖主之嘉問伊賢臣而洞識莫不陳七德機要叙三才楷式願同尚父干戈永佐於周朝敢學宣尼俎豆將言於衛國乃曰臣聞天陣則上考璿樞明孤計虛還星宿而吾君堯舜叱風雷而敵國丘墟斯蓋出黃石之妙訣又武侯之秘書臣謂其然也出兵者在乎信及寒暑義如時雨春發生兮當養士冬肅殺兮當耀武斯

則得天道兮合天時不可失天時而逆天取此天陣以明焉微言可補又聞地陣則察土分疆坤盤良長隨向背而翼鵠鸛順山川而羅紀綱所以韓信背水而趙滅孟氏焚舟而晉滅臣復謂其不然也其用兵者在乎饒金富粟兵雄食足先耕而九載思蓄後戰而三軍不分斯則分地利而得地財豈有兵未征而農不劓此地陣以明焉微言可錄又聞人陣則勇氣生風精神貫虹天矯而常山躍

地彎環而皎月懸空可與樂毅論將穰苴比功臣
復謂其不然也且為帥者在乎帥師將肅連營敦
睦忠為甲兮信為冑身為弓兮德為轂指日烹齊
國之牛反掌拾秦原之鹿此則協人意而得人心
豈有人意和而兵不服此人陣以明焉微言可祝
高宗乃知天陣則不必占彼星躔地陣則不必恃
其山川人陣則不必伏其驍勇唯德義而三軍勝焉

文王葬枯骨賦

此骨枯塵壤義歸者王

因掘地以及泉見窮塵之委骨陳葬禮以外備實
仁心之內發義之克著幽可貫於鬼神德之孔彰
明可爭於日月初其取象茫洋開蕪鑿荒幽宅幾
壞遺骨遂彰伊彼役者奏於文王王乃掩袂而矚
興懷而傷莫不蔓草紫白陰苔染蒼恐是徃古豪
傑昔時聖哲澤物名光忠烈宛是其死誰曰不然
骨肉歸土神魂升天深谷為陵彼可知而蔑爾佳
城不見為我主以收焉於是召有司具明享賻以

衿祿蓋諸泉壤以遐邇通飛聲走響遂使億兆民
庶以來歸八百諸侯之企仰設若不逢君子倏遇
小人必應視同塵土棄若灰塵既丘壙而莫問在
封樹以無因則烏鳶是啄螻蟻是親幸將不遇小
人獲遭君子而乃覩之而骨驚感之以心死爰拾
之於彼葬之於此蓋將斯骨以喻我以已不欲而
行之於彼可使見之者悲聞之者喜以至誠賓萬
國之臣若滄海走百川之水嗟夫存歿殊塗幽陰

鑒乎爾魂矣在爾肌以枯何得上惻於睿哲而再
向其塗芻則宗周之仁也不獨及於有情而必軫
於觸類祝網之帝不足以言其仁泣辜之君焉可
以叶其義得不啓之十代延之百祀俾後之制禮
垂教將掩骼埋胔者也且王於邦而至大骨於物
而至微我不以大而自貴不以微而有違以仁不
足為我罪以物失所為我非是以勞瘁無斃皇寧
甚稀骨尚惻於窮泉下上豈惟於獸走禽飛故得

九齡者上帝所錫九國者西方允歸以孝治天下也亘萬古以光輝

五主宅賦

王國龍飛翠葉出宅

明皇以孝悌為此地宅而宸遊未賒淒涼而一景空鏤悵望而諸王已遐鳳去鸞歸秋葉落梧桐之樹年來歲改春風遺棠棣之華當其龍虎俱來虯螭並轡觀風而玉輦停駕選勝而金鰲負地天師魯匠新土木以宏規月殿雲樓破荆榛之積翠既

而甲第煌煌維城道傍

雍然而帝子天

子肅睦而寧王薛王綵霧彤霞從仙都之八面風

臺水榭引蓬島於中央不類遷都平分於宅為星之渚同數比夾之龍並跡聖主之千聲羯鼓洛水風清岐山之數調胡琴高山月白瑞氣飄空蘭深麝濃連雲之飛閣鏤鳳象海之清地蟄龍解愠當風帝舜之琴雅奏興歌立德太康之弟相從莫不以嘉樹濛煙崇牖砥日金聲玉韻以總起夏萼春

叢而剪出虹梁綺棟眩天地以量功舞態歌容掌
神仙而比質一旦袞冕參差外遐內微華屋之帳
幄蟲蠹深院之樂檻燕飛時移而玉笛難尋清高
泯滅事往而金牌尚在御墨依稀徒令攀詠皇風
追思聖德傷宴御以綿起遶周垣而嘆息王侯之
地宅雖多未若開元之有國

駕幸華清宮賦

開元復國事促人空

明皇帝號天上來華清宮兮雲際開離紫禁而千

官捧日出清門兮萬騎屯雷巫山之翠珮珠璫皆
移雲雨洞府之霓旌絳節盡去蓬萊當其鯨海澄
波麗山疊翠架瓊宮玉殿之宏絕鑠萬戶千門之
秘邃上以我無為而國無事記一千年之歷數富
有寰瀛起五十里之烟霞長懸夢寐於是躍馬駢
龍煙馭風從從我者七貴中貴翊我者姚公宋公
蒙茸之組繡煙花香隨輦輅錯落之星辰日月影
射虛空及其鰲負瑤臺擎生玉藥翔鴛振鷺以環

列九棘三槐而森峙玉帛駢積梯航萃止隋侯明
珠兮飾車馬霧縠雲羅兮縈步履飄蘭散麝常薰
昭應之香落翠遺珠遍鬻新豐之市鸞鷲麒麟禎
祥日臻朱閣拜玄元皇帝金車迎虢國夫人其有
夜光枕貴玉藥冠新卷五王之燕語倚六相於陶
鈞其或露冷仙掌波出渭津河漢佳期七夕會牽
牛之什雲天勝賞中秋迎顧兔之倫莫不龜鼎祈
年夔龍奉職真人羽客兮薦方術朱草靈芝兮表

生殖詩成而玉甕題新雲滿而溫泉暖極烟霄可
止期驂彩鳳之翔光景難留誰束金烏之翼諫切
雖納思深半惑祿山已變猶期其十月來王林甫
既奸合省其多方蠹國竹語絲喧中元上元葉靖
之靈丹舊得花奴之羯鼓新翻人間有大貝明珠
皆歸戚里世上無清歌妙舞不屬梨園是何樂極
悲來時移代促燕中之鐵馬俄起環上之羅衣莫
贖華清宮觀兮閭無人山青兮水綠

再幸華清宮賦

久掩年光世彩來華

明皇以既剪漁陽塵清帝鄉自蜀郡而初還輦輅
幸華清而幾隔星霜魏莪而紫府洪都重開聖日
牢落而金門玉戶幾閉春光是何樂極難期繁華
易久時易而鳳髻成夢歲晚而龍顏皓首嬪嬙零
落寧逢舊日之人者艾扶携尚獻新豐之酒但見
禁柳愁煙宮槐暮蟬苔昏而鏡落金殿岸改而湯
摧玉蓮螾首蛾眉遺跡而空存處處落花流水無

言而但送年年足令左右含悲君王墮睫塵泥漸
委於花逕歲月潛更於萸萸金沙洞濶淒涼而午
夜流泉玉蘂峯高騷屑而一宮紅葉榮謝相催心
腸似摧天在而俄懸二日星移而幾別三台金戟
凌霜劔閣而曾悲幸去銀蟾皎夜月宮而長憶遊
來蟬寄花鈿星流笑臉陽臺之吉夢初斷岱嶽之
香魂已斂解語之珍禽不見琪樹空高長生之白
鹿空還朱扉半掩象薦塵緇屏屏影移雪衣籠在

霜殿松痿雲母波輕遶殿之清連自改相思樹老
滿山之紅實空垂已而玉笛休吹霓裳罷制秦原
杳杳以西接渭水悠悠而東逝空吟其刻木牽絲
比人間世

卞莊子刺虎賦

獨見爭猛輕當喪之

人雖至靈虎且至猛此靈智以終刺彼猛暴以何
騁固在戮力亦惟三省誰氏之子人為卞莊有力
如虎提戈若霜爾鬪力我則非敵我鬪知爾何以

當始其三徑無人二虎遇肉俱貪而途涎豐草不
嘯而風停邃谷我將愛其文而玩其草必冀扼其
喉而剖其腹然而以寡制衆彼雙我獨雖言肉視
詎得心服乃即客前而言曰貪夫徇利君子俟時
且肉之美者虎乃咬斯咬飽則鬪鬪極則疲威稜
雖大應縮爪牙之利何以施將一刺矣以必兩中
之亦猶秦王克韓魏俱滅漁父獲鷓蚌相持物之
理也君宜念茲不然則虎非爾所得爾為虎所資

於是拜其言伺其便不躁進不自衒思曹劇之往
畫法李陵之獨戰俄而肉既盡勢果爭齧牙而龍
劍森齒呀騞而雲雷霹聲樹拔石裂陵摧谷傾風
毛羽血以狼籍地轉天旋而震驚於是氣衰力怠
彼竭我盈巖陰而歸鳥皆散野迴而殘陽半明負
者可以檻勝者可以烹卞莊乃肉袒歔起持矛迅
征足奔而飛箭寧速身捷而鴻毛未輕爾其將極
我時以亨遂一麾而並進如拾芥以將行射絕塞

之石頭胡為等價去南山之白額未足齊名我則
視若井中科如几上斬蛟奪劍者其心未壯探龍
取珠者其事應誑蓋感人進言神符厥望設若不
取善言而善何以師不待物鬪而物何以喪如此
則爭雄負勢之徒宜覽斯而惻愴

鑄百鍊鏡賦

新成月象心后屏邪

十數鍊者未足為明一百鍊者方為至精祝皇帝
以終貢命良工而鑄成威凝碧渚流泉蛟龍欲活

折下青天皎月蟾兔如生淮南王以地產真金天生哲匠開爐呈造化之術為鏡照星辰之象可以人間第一法軒轅臺上之規天下無雙掩秦氏宮中之狀匠者曰金雖精則不鍊不神鍊有數非百之不新又曰火為陽晶午為陰月陽得陰則百工備陽失陰則萬化闕臣今選五月五日之亨吉為乃鍛乃礪之始卒而又就澄澈草昏沈擬犯鳥光於天上乃維鷓首於江心亦以水能鑒物火能化

金念器大以晚成其功乃倍及人生之不滿厥數方深况乎空斷飛鳥人稀碧潯顧採艾之輪蹄應難竊視縱升天之雞犬莫得遙臨想其嚼火吞光水壺慘冷幙金而麟鳳相次挂玉而狐狸難屏陶鈞即數同杖頭赤仄之多炤燭無瑕啓匣裏青鸞之影王曰吾秦之鏡也可以照肝膽可以懼奸邪吾將驗彼彼將妄耶且閻樂之奸邪曷隱趙高之肝膽誰遮遽至於素車白馬絕國亡家今斯鏡也

用其鑿形容定妍醜比君德之不昧論臣心之無
苟於是持百鍊而獻九重惟拜手以稽首

元宗御註孝經賦

明皇以孝理生靈躬修紫庭表後主之新鑿注先
王之舊經立身行道之文昭如繡縟資父事君之
要煥若丹青開元中以儒道風行皇明日皎刪六
籍之奧秘定百家之多少顧老氏經標元默義理
猶淺豈宣尼典急君親源流未顯於是鏡豁宸衷

天開聖聰由粗及精刪踳駁於千行之內從無入
有演絲綸於百日之中可以來者無猜學徒洞識
三千罪盡顯天鑒十八章皆流御墨九門翕集清
傳鄒魯之風萬室雍熙普詠文明之德浩浩汭汭
詳言糾紛素王行在而猶隱聖主躬修以其分高
深如山嶽江河遐開地理炫燿比星辰日月上燭
天文蓋以首毀強秦遙興大漢歲月頗謂其綿邈
傳寫或多其紊亂朕今屬事比辭飛文染翰冀使

為臣為子之道自我而行窮經博古之人從吾屢
讚皎皎明明神功生成甲乙之良宵不輟曾顏之
密行俱呈揚名後代之人俾傳白社在上不驕之
義自表皇情故得極思九重研精一卷旌孝悌以
為教剪繁蕪而罔倦然後勒貞石而建高臺萬祀
千齡兮誰激勸

割字刀子賦

物有至大而無所為物有至小而功且奇當彩筆

臨文之際見鋸鋒入目之時改雕蟲篆刻之非重
修麗藻正垂露崩雲之誤盡在瑕疵觀其寸鐵雖
輕尺書可理磨礮本自於良匠玩愛式歸於君子
封章是假常挑鸞鳳之蹤淬礪非多不損盃盃之
水文近倚馬多參解牛剡獎能新於鳥跡摧剛幾
觸夫銀鈎削染翰之繁蕪八行宛定笑磨鉛之濫
拙一割何求則知用自各賢成因在冶別瓊牋而
疏玉無異映月字而連環是假通書窓之琴鳥欲

謂割雞制遷史之姓名何慙斬馬起余之思在青

雲憶王祥之贈者

鈞礪文集卷第三終

唐秘書省正字先輩徐公鈞礪文集卷第四

賦

止戈為武賦

和衆安人是為武德

書契天設文明日新將究止戈之義式彰為武之
仁足還太素以壽生靈志肅三軍欲致理而生乎
至理論歸八法見古人而教以今人昔楚者莊薄
諸晉國小臣請築於京觀厥王乃陳乎道德謂臨
戎制勝誠不在乎干戈示子傳孫事宜規於翰墨

且武也者戰而不陣師克在和考其字以因明所
字止其戈而焉用其戈願劍戟而器於農耕賢哉
若彼問軍旅而對以俎豆聖也如何矧乎伏羲畫
卦以窮微蒼頡造書而允中於會意以無怠實臨
文而可諷下破山而加點理絕乘危上擬戍以無
人誠難動衆以五兵為武者非武之資合兩字為
武者是武之奇當用究言其不用有為詎及於無
為鳥跡斯驗人情可窺亦由月並日而明焉其儀

不昧秋懸心而愁矣厥義咸知是宜遵史籀之文
贊昇平之主兩階屢舞以稱聖七德交修而曰武
亦何異威而不猛宥刑而夏楚寧施捨之而藏得
象而筌蹄奚覩今我后洞窮經之旨知為君之難
功不宰而八蠻自服書同文而萬國咸安列聖摧
凶我則懷遠而柔邇前王伐罪我則去殺而勝殘
故得文物重新妖氛自弭廬人之百鍊寧問呂望
之六韜可委士有偶明試而賦止戈獲贊皇風而

之下闕全唐文同

大道純素明君御乾垂衣裳而天下治賦
而恩覃普天端袞冕於九重威儀備矣走車書於
萬國文軌同焉聖人以象合乾坤育涵臣子握金
鏡而破昏黑啓瑤圖而昭福祉温恭允塞揖耳目
以無營拖黼垂旒致邦家而自理不出宸居潛孚
聖謨虛已而應乎萬有滅私而契彼三無引日月

之長裾遐蘇品彙雍星辰之法服自化寰區於是
負宸彤闈凝情寶位播亭毒以無黨表雍熙而自
有山龍煥爛映黃屋以長舒風雨迴旋仰洪猷而
充遂豈不以義頊齊教臯夔在官德所至今天高
地厚信不愆兮春煦冬寒佩華藻以常閑九章惟
麗傾空旻之所覆萬姓皆懽允紹三皇式孚九野
尊謁襲以居上教協和而在下飄紫宸而楚楚道
泰生靈臨丹陛以禔禔慶清華夏赫赫巍巍功高

二儀法希微於視聽守元默於箴規自然淳朴將
至生成罔虧苟人文之未化勞轍跡以何為豈若
黼黻光中德及於昆蟲草木圭璋影裏澤流於地
角天涯士有珪璧常輕光陰是重趨明代以求試
望丹霄而翹踵君同軒后為臣願讚於求衣才匪
相如獻賦敢歌於垂拱

入國知教賦

觀光上國化洽文明

天闢區宇人尊帝王國將入於封部教先知於典

章不宰成功乃合乾坤之德無私鑒物能齊日月
之光昔仲尼制禮之則諭君之德為萬乘之謨猷
目六經之楷式將欲明其必在遊於國溫柔敦厚
出乎風雅之詠歌比事屬辭本春秋之黜陟協彼
典誥諧斯禮文廣博而樂章且有精微而易象爰
分先王所以總斯御物體彼為君遂使足歷四門
親愛之儀已覩身由萬戶民從之義皆聞莫不周
鑒金湯潛量王霸富樂和政以攸類陳詩觀風而

相亞是以逢耕讓畔得先人後已之規察鳥安巢
驗惡殺好生之化今吾以君興帝業赫皇明以謙
柔而教蠻貊以朴素而教公卿以節儉而教百姓
以農耕而教五兵自然八方走響六合飛聲豈俟
入乎閭閻方能知彼規程其或跋扈未殲陸梁未
向可使拜天闕而俯德趨帝閣而引望俾其退而
補過警干羽之舞階進以盡忠報聖明之在上士
有負書劍出林巒謁九門而教化斯仰瞻百辟而
威儀可觀則知不上泰山豈覺寰區之大不浮東
海寧知溟渤之寬敢不廣義路擢忠甲開閭闔以
聽聲詩賀仁沾而恩洽

豐年為上瑞賦 年穀豐盈用此為瑞

聖祚開國文皇應天以豐登之有歲作祥瑞於當
年重彼粢盛五稼而誠宜在上考諸圖牒四靈而
莫得居先當其衆類呈祥明君建議將垂萬世之
範迥出百王之智為其三農百穀普為四海之資

鸞鷲翮虞空表一人之瑞於是別示休徵裁農教
行調風雨則桑田自稔重龜鶴則倉廩寧盈我貴
嘉禾朱草之庭前謾吐我滋甘澤慶雲之天際休
呈四序和平三時播種蓋將何寶以為寶不以無
用而為用且夫寒暑相從成霖順風如雲之稼穡
千畝擊壤之歌聞四聰斯則家給人足時和歲豐
縱鳳不止於高梧之際麟不遊於靈囿之中又豈
能損民力虧朕躬至如歷候不常陰陽反是甫田

屢失於刈獲庶物不勝其殘毀菜色咸若豆分於
此縱然出醴泉而浪湧波翻降甘露而珠英玉蘂
然而不濟饑饉何足依倚豈若敬奉天時從其所
宜升合穎秀岐之事冠素雀神鳥之為惟畢沾濡
麗日之重輪在下如茨委積華芝與玉秀俱卑偉
哉以年為瑞者富於生靈以物為瑞者詭於耳目
欽哉以我后之元德承太宗之景福士有觀大國
之光輝敢謳謠於邦國

福善則虛賦 神瑞失靈子何彰善

聖人曰天本無私福惟佑善曷云鑒之將昧考前
言而盡鮮窮達而烏焉有命莫究慘舒吉凶而未
必由人誰原味顯善吾將議彼穹蒼其靈不常安
得勇力者或昌進德者或亡忠讜者或罪諂佞者
或彰孰云必有餘慶屢聞反受其殃且聞暴莫暴
於殷紂虐無如於夏桀聖莫大於孔父智莫過於
顏氏那令辛御極以為君癸承祧而化民孔泣麟

而嘆鳳顏命天而居負亦何用仰日月祈鬼神胡
不沈暴虐生聖智影響殃咎權衡嘉瑞移辛癸之
位於孔顏之才賦孔顏之才於辛癸之位是何徒
闕清明虛垂日星謂其覆而匪覆驗其靈而不靈
在溫良道德之家不鍾祿位於悖逆荒淫之室不
震雷霆焉得盡立明誠不欺暗室非惟祿善以增
膠復見禍淫而罔寶君或驕而臣或叛自此而生
子不孝而父不慈由斯而失嗟夫利害相磨殊非

一科雖賢愚之異稟竟天濁以同波然吾終身而積善不知天道以如何

歌賦

民信命事聲辭有傷

楚襄王以魂夢初驚高唐賦成因命酒以將飲遂聽歌而適情於時白雪音厲陽春調清命宋玉之雄藻賦貫珠之妙聲玉乃避席而起請陳其志曰臣聞樂以象其聲歌以陳其事樂也者六律不得不正歌也者五音不得不備是故宮不亂而為君

商不亂而為臣徵不亂而為事角不亂以為民羽不亂以為物五音備以為真如此則天地同和陰陽代順一謳而王道敦化再唱而民心端信逆氣亡象姦聲匿韻三光以照而不昧萬物以類而相振然後君臣序而父子親五音隆而四瀆濬斯為治世之音可同休於堯舜至如宮之亂兮君荒商之亂兮臣亡徵之亂兮事失角之亂兮民傷羽之亂兮物匱五音乖而改常如此則寒暑失時邦家

自咎唱予而毒慘諸夏和汝則災生九有鬼神不
享社稷非久乾坤之紀網潛紊麟鳳之禎祥莫偶
然後字彗皎而夷狄驕兵革飛而戎車走斯為亡
國之音可同風於桀紂其為樂也不在乎玉管朱
絃其為歌也不在乎燕娥趙姬隔巴濮採聲詩樂
府陶匏自本黃鍾之律姑蘇麋鹿誰聽白苧之辭
王曰斯賦之盛珠輝玉映可以發昏蒙佐明聖為
前古之楷式作後來之龜鏡非寡人之所知敢不

承天之命

竹筥子賦

茲乃文俗不立韻

東海生將治巾櫛貧無玩飾劈破煙筠刮殘霜色
衰鬢攸利秋蓬自直乃有繡轂王孫光餘席門嘲
謔斯玩薰蘭厥言曰先生不見南越之絕珍華間
發犀角磨水象齒批月皎君素手滑君綠髮朱郎
豪商持金買將星流掌握雪瑩巾箱胡為鬢枯澁
滅髮撩相東箭推勁緹笙罷吹薤園煙肥霜零

葉萎銀床夕醉橫簟析澤比君之玩代君坤愧惟
大丈夫籛金斛珠雕瓊鏤璧錦帶羅襦幽屑窮巷
諭人壯圖東海生曰余居之窮也風號絕徼山枯
鬼嘯黃雞唱午靈鳩末照槐棟蛇吟寒牀雨深跳
蛙媚竈舊井無禽又數之蹇也塞鴻漸陸金隄析
軸元蹄若神敏手如束青雀泐流黃沓覆舟磨磨
檻虎鼠嚼郊牛君門咫尺獻書山隔駑馬卧粟龍
媒負輓綺語簧言為犀為璠衛退遽瑗堯遺八元

天斗虛粟均人之祿陰尺神刀剪人之福余則朽
析陳羹呼春不來塊消而土燼盡而灰焉能搜竒
扶望為玩為好弓影攻疾菱花照老且聞篋櫛之
功修諸禮容容之在肅禮之在恭容之不肅奚犀
奚玉禮之若恭為鳳為龍又聞熒煌易滅葱蒨易
折知白守黑萬壽不絕早禱滂沱祥雲若何飯待
嘉谷靈芝孔多列國遺史恨四公子削玳為簪編
珠為履冠劍魚鱗爭竒鬪珍寶肆開侈龍宮詐貧

信陵能下止屠門者被褐則真狐裘則假田文三
千禽蹄一馬權移勢改門羅雀懸平原十九毛生
最後我有嘉賓莫孔之醜春申甚寬誰屠李園朱
門故人何人死恩君子中庸奢亡儉存嘲我竹篋
酬爾芻言銘諸坐隅永貽後昆

不言錢賦

息心秘口欲作窮言

言者三端之本錢者百貨之源反其本以行已杜
其源而不言如逢朽貫之資我辭遽嘿自負不貪

之寶吾道常存昔王衍以東晉季年金陵薄俗恨
朝野以爭侈競緡錢而縱欲化為糞土填巨壑以
難盈湧作波瀾灌漏卮而不足豈惟紫閣名臣紅
窓美女有私而盡以藏賄無德而何嘗潤身夷甫
乃怒於彼以心誓忿於時而氣振所以塵尾高談
肯說五銖之號鶴裘換酒同思四壁之貧泉貨寧
懷樞機永秘何曾之食萬休述和嶠之癖多罷議
賓塔砌下誰云苔點之圓貨殖傳中諱却金錢之

字衆多愛兮積聚奢淫我所愛兮唯財與金在乎
心惡以言寢可以觀言而見心任銅臭以驚時豈
論崔烈任兩飛而滿屋靡說黃尋且夫百萬奚若
仁銷義鑠豈不見一惡而懼百非口非言而心嫉
惡金相馬埒休詢王濟之奢為山積鹿臺莫問殷
辛之禍作蓋傷其濁世澆風貪婪莫克無苟得者
尤寡終不言而曷同斯時也道德銷盡錢刀削空
斯人則與世垂範端身固窮手近青蚨先納青黃

之口內眼觀榆莢預緘枝葉於胃中則知不立殊
見寧議衆醜他拭目而余目昏彼鑿金而此金口
異哉不設人過不語亂神與斯人而善偶

朱雲請斬馬劍賦

越馬嘉詞辱君鋒刃

朱公以紫殿之下明誠洞寫仗心劍而上請神劍
非斬馬而不除害馬則知堂堂者多諤諤者寡是
何抗萬乘而不懼覺千官而盡啞昔張禹以軒冕
魏我為王者師攀龍附鳳於交漢陰慘陽舒於片

辭不畏神怒惟專鬼隨中於分人若醜若蠱漬於
物而如膏如脂合彈者誰是簪筆合諍者何人措
辭雲則早奮忠貞誓摧邪曲有刃當斬對君必辱
於時開九門兮左日右月朝百揆兮鏘金佩玉鴛
鷺方駢雲龍乍矚於是演折角之宏辨趨逆鱗而
上觸乃曰不諫非臣容姦匪君臣聞上有厥劔利
無與羣不爭乎剗鍾切玉不並乎倚天扶雲蓋是
吹大宛之毛剗渥洼之骨君幸頒賜臣非僭越既

將伸明代之朝命斷佞臣於大闕今太傅以抗傲
三公昏蒙九重陷君子於虬龍化犬進小人則蛇
虺成龍固請刑於廣肆血被銛鋒帝怒色怒雲乃
氣衝死為屍諫生寧面從將軍匡救以稽首天子
遂巡而改容義匪伏蒲志大而諸侯瑣瑣芳流折
檻名高而四海喁喁胡不淬辭為鋒礪志為刃拂
訛濫以將退麾賢良而與進何必趨劔陛以將求
竟伊人而莫擯設若寶鍔將授昌言是嘉又庶以

見仲尼之紀綱誅正卯之姦邪則王莽之偷宗社
又安得聞耶

江令歸金陵賦

陳祚以世六十年毒奢淫而忘險難運去而蠻奴
北面時來而江總西還傷心而昨是今非三台祿
位觸目而人非物在一片江山初其君但期天
國無盤石詩成而詠雪嗜風酒惑而迷魂蕩魄昌
言直諫朝朝而惟列七人列蠟燒蘭夜夜而長留

十客一旦雷卷隋軍驚風坐聞龍顏入井以魚伏
鳳閣離居而豆分於是嗟覆轍嘆浮雲拋建業之
山河來朝魏闕捧金陵之日月送與隋文斯人以
鳥戀南巢萍流遠道還吳而喜遂歸骨入境而鞠
為茂草心感存沒泪橫襟抱慘淡而煙迷遠渡杏
浦波生蕭條而葉散悲風金檀樹老廢壘蕪城行
行復行霜凌夜葉壯心碎屬國窮歸華髮生中臺
將黃閣皆空荀池鳳去甲第與朱軒不見謝墅狐

鳴茂苑濤聲秦淮月色終史溥之前夢嘆東昏之
舊國雖信天命宜慙衮職豈不聞三秦甲馬已過
乎肥水之陽二謝韜鈴克殄於壽山之北則知翌
輔者在乎外撫四夷中扶萬機建其策而安邊卻
敵致其君而端冕垂衣安得三閣天高但縱殷辛
之酒萬兵雲集未知遽瑗之非果令位失家亡君
移國徙前恩不及於民庶晚歲卻還於舊里金陵
旺氣索然空唯見碧虛涵綠水

釣磯文集卷第四終

唐秘書省正字先輩徐公鈞磯文集卷第五

賦

過驪山賦

陵摧國歿永紀窮塵

六國血於秦秦皇還化塵塵驚而為楚為漢路在
而今人古人但見愁雲黯慘疊嶂嶙峋時遷而金
石非固地改而荆棘旋新愚聞周衰則避債登臺
秦暴則焚書建國貴螻蟻於人命法豺狼於帝德
兩曜昏翳九圍傾側扶桑幾里我鞭石以期通溟

海幾重我驅山而要塞慘慘元穹嗷嗷七雄三農
百穀以休務淬鐵磨金而獻功九州病萬室空韓
趙魏以交滅楚燕齊而坐窮家有子兮誰得孝國
有臣兮孰効忠九野分將焉作兆民之主諸侯吞
盡方行天子之風星隕九霄城長萬里血染草木
肉肥蛇豕將欲手挂天刃足挑地紀拙虞舜而短
唐堯污殷辛而長夏癸禍從殃催川搖嶽摧金陵
之王氣頓起蓬島之宮娥不來黔首求主蒼昊降

災天漢之龍髯頓斷沙邱之鮑臭誰猜魑魅諸夏
腥羶九垓於是宅彼岡巒兆斯陵闕猶驅六宮以
殉塋豈言蔓草之縈骨嫌示儉於當時更窮奢於
既歿融銀液雪疏下地之江河帖玉懸珠皎窮泉
之日月喋喋層層不騫不崩斯高之喉舌方滑劉
項之雲雷忽興軹道一朝壘獻漢家之主驪山三
月火燒秦帝之陵今則草接平原煙蒙翠嶺想秦
史以神竦弔秦陵而恨永華清宮觀鎖雲霓作皇

唐之勝景

樊噲入鴻門賦

沛中之智兮勇鵬翻舞陽侯兮威曷論冒死而嘗
輕白刃匡君而直入鴻門卮酒羸肩豈讓匹夫之
饒朱輪畫轂能扶萬乘之尊當其秦鹿無主項王
赫怒誇楚將於秋鷹滅沛公於蹇兔天地何小風
雲可步海蕩山振龍驚虎懼鳳歷誰傳鴻門晝闕
湯池命酒歐劍搖環氣隆準以斯挫血重瞳而欲

殷鯢浪鯨波呀呷於斯須之際禽籠獸穿炮燔於
咫尺之間洶洶羣心雄雄壯士詣閭闔而飛步怒
豺狼而切齒僕視閭守掌窺戎壘高衡蓋數撮之
塵溟海乃一泓之水身輕白羽蹈烈火以非難手
擘朱扉信春冰之可履走電呀雷金樞洞開麋鹿
奔而羆虎至燕雀驚而鷹隼來愚山可徙蘭柱須
摧引龍躍於洪波秦人徒爾送鴻飛於碧落弋者
何哉

下缺漢武求仙賦

隱居以求其志賦

得志明時賢人野悅

小人之見兮見以求利大人之隱兮隱以求志索
其居而棄世捐俗違其義而伺時藏器莫不濯足
溪影掛冠山翠不游徑而得康莊不出戶而窮天
地上自英君傍惟哲人偕伴鳳而藏羽盡規龍以
蟄鱗恭聞舜雷雷澤而遯跡漢芒碭以潛身板築
靡熊羆涓濱芝歌商嶺以誰聽瓢掛箕山而曷隣
雷澤之志兮志於聖也芒碭之志兮志於天下得

之則宅乎寰海求之必通乎崑野所以賓四門而
總百揆揖遜皇王斬白帝而烹楚君魏莪宗社涓
濱之志兮國傳王師昏靡之志兮匡君佐時然後
神契畋獵天開夢思三十八代之承祧韜鈴自有
五十六年之救旱霖雨常滋商嶺之志兮以全真
箕山之志兮於高節逃秦輔漢以無失友帝朋巢
而自悅蓋聞析心以智光乎聖哲志也者寂與心
通隱也者憑乎志成并於心兮故可以通造化貫

幽明成於隱兮或可以君兆庶爵公卿志不立兮
吾息則隱志苟通兮吾道斯行君不見栖棘乘風
上擊雲霓之路蟠泥得水高驤天漢之程奔塵競
路以彌惑絕跡深局而有得惑之者惑於澆濁得
之者得於幽默虱捫西華以持衡龍卧南陽而輔
國珞珞雲林之士方器崑廊攸攸市井之徒誰懷
道德亦由擇梁棟於在山索珠璣而在淵採綠蕙
於樊圃刈嘉禾於甫田其道要其理元嘗聞降蒲

輪於草澤天子求賢

山暝孤猿吟賦

吟起殘暉客顏情惻

白日光沉青山影深伊萬籟以俱寂有孤猿而忽
吟隔樹初傳切切而來當暮景隨風更遠聲聲而
飛下煙岑當其疊嶂凌空微陽送晷擁條之響俄
發命侶之音迥起揚清引濁如含莊舄之愁吐怨
流哀不為養由之矢增悵望兮動辛酸建陽小兮
凝晚寒踰絕壑兮度鳴湍悲風颯兮零雨殘澗草

萋綠谿花隕丹此處則臨岸爰笑攀蘿永嘆幾多
之去棹來舟驚迷島嶼無限之離魂別緒飛掛林
巒感東西而怨行役三峽山光峭空碧冒懸流而
躋絕壁苦露結兮寒烟白望帝冤魂長宏悵魄此
處則抱樹驚曉號風向夕峨嵋高兮劍峯綠愁殺
巴人錦江暮兮筇竹秋悲纏楚客山隱隱水渺渺
孤猿吟兮何悄悄野駭麋鹿林棲羣鳥往往於松
蘿谷口嘯得煙昏時時向薜荔峯前啼摧月皎斷

續相催聲長韻微千林之紅葉雖墮萬嶺之愁雲
不飛嘹嘹噉噉休未休如迎靜夜歷歷啾啾起又
起似送殘暉足令掩耳傍徨吞聲太息何彼韻之
增起欲我聽之暫息則知邊城鴈兮高柳蟬未若
聽吟猿而慘惻

白衣入翰林賦

玉闕承恩速臣名德

天寶詞人李謫仙兮誰能論白白屋而謁明主脫
布衣而為侍臣惟誇其麗藻清辭將承寵渥不待

乎腰金拖紫便掌絲綸則知人不英無以動乎邦
國主不聖無以振乎儒墨二美相契千齡所刻愚
聞白之始也宅岷峩鑠羽翼待風雲伸道德金門
玉殿兮掛魂夢乾象坤儀兮羅胃臆雲情鶴態歌
劍嶺之秋光月夜煙朝釣錦江之春色俄而入洛
遊京懷珠袖瓊塵中獨步酒肆陶情烏棲曲兮金
石奏蜀道難兮神鬼驚小隱乎林壑大隱乎帝城
賀祕監兮薦英秀韓荆州兮誇盛名於是鳳詔搜

揚洪名振發長裾似雪兮出圭竇縫掖如霜兮入
禁闕冰姿玉貌別巢許之林巒醉眼慵心豁唐虞
之日月走騎飛軒街設巷言青雲得路兮肌膚換
白日昇天兮朝市喧編素麻衣朝雜庶人之伍龍
攄虎變夕蒙天子之恩彩筆摘文彤庭步玉碧山
之傲逸猶在紫禁之繁華乍束往往而紅筵對酒
宦者傳觴時時而後殿操麻宮娥捧燭夫如是則
才德須憑簪纓自勝起布素之卑位陟蓬瀛之上

層白鳳辭高青帝之春華不若金鸞寵異皇王之
密旨先承豈不以天假良時神資景福草元之客
兮進何晚題柱之人兮望何速曷若我不伎不求
脫布衣而食天祿

下移星賦

雷乃發聲賦

起龍驚蟄天道式空

化不可識春之倏生神不可測雷之忽鳴表陰陽
之大信發天地之希聲俄青律之未分寰區曷變
俄洪音之一播品彙胥驚豈不以上縮天樞下司

地紀陰之變兮將伏陽之開兮欲起搗雲鼓雨殷
南山而過北山火轂風輪震百里而越千里浩浩
闐闐神驚鬼顛冥濛而烏鬼將墜動蕩而山河欲
遷須臾走電赫飛霆聯霹靂俄奔八表謂衝開下
土轟輶繼作九州疑裂破青天烈缺威催豐隆令
急晴陽照兮冰凍洗甘澤滂兮衰朽濕幾處脅韶
光淑氣振折羣芳數重呀地戶坤維驚醒百蟄燭
燧洪濛輦掀碧空香籠麗景翠染東風去年之積

冷淒寒皆令變暖昨日之枯株槁木盡使駢紅則
知春之榮雷於春而稟德秋之落雷於秋而授職
不然者何以動於此以為準止於彼而作式聲之
發也星辰將歷候咸移聲既收焉蠢動與芳菲並
息駕電驅風高凌九重日兮月兮還我化天兮雲
兮塗我蹤時時而遠谷陰霾旬崩疊嶂徃徃而寒
湫煙雨吼拔潛龍則知雷發無遺春光自早發聲
而歲歲長在光景而人人自老不能火僭逆而霹

姦妖攸攸兮天道

寒賦

色悴顏愁臣同役也

壬子歲大雪濛濛繁雲鑱空白日光沒樵蹊朕窮
地洞沍而履不得天颼颼而飛不通庭蘭落翠禁
樹催紅安處王乃去廣殿即深宮獸炭呀焰狐裘
禦風頻謂左右曰寡人今日之寒斯甚曷與下民
而同憑虛侯進言曰大王自恐嚴凝罔憂邦國下
民將欲凍死大生未有寒色王曰下民之理聞之

可得對曰只如負禦三邊彌年不還戍遠燕嶺衣
單鴈山鐵甲冰徹金刀血殷風刮衰力砂昏少顏
大軍之生死頻決上國之英豪甚閑今則凍平遼
水雪滿蕭關此戰士之寒也王曷知其險艱至若
荷鋤田里勞乎農事草荒而未耜無力地冷而身
心將悴賦役斯迫鋤耰何利凍體斯露蔬蓂莫庇
東臯孰閔其耕耘北闕但爭其祿位今則元律將
結元冬已繼此農者之寒焉王曷知其憂愧復有

萬里辭親求名進身韜玉待價燃金食貧賀清平
於四塞冒霜霰於三秦北戶無席冬衣有鶉幸偶
乎勛華為主同思乎伊呂稱臣今則顛頊威至元
冥令臻此儒者之寒焉王曷知其苦辛別有苦寒
之者不能殫寫在臣說矣恐王煩也於時陽氣收
陰氣浮火井滅朔風愁千山之凍樹頻折八水之
凝波不流王乃閔征戰之勞命偃乎兵革念農耕
之苦命蠲乎徭役知儒者之寒命選於宗伯

下張何負知姑存
書有遺唐陸

鈞磯文集卷第五終

唐秘書省正字先輩徐公鈞磯文集卷第六

長律八首

依御史溫飛卿華清宮二十二韻

地靈蒸水暖天氣待宸遊
嶽拱蓮花秀峰高玉蕊
秋朝元雕翠閣乞巧繡瓊樓
碧海供驪嶺黃金絡
馬頭五王更入帳七貴迭封侯
夕雨鳴鴛瓦朝陽
暎柘裘伊臯爭負鼎舜禹讓垂旒
隨珥閑應拾遺
釵醉不收飛烟籠劔戟殘
月照旌旂履朔求夜早

臨陽解珮羞宮詞裁錦段御筆落銀鈎帝里新豐
縣長安舊雍州雪衣傳貝葉蟬鬢揀山榴對景瞻
瑤兔昇天駕綠虬此言遊月宮後還祿山書陳北虜玄甲
撥犀牛聖誥多屯否生靈少怨尤穹旻當有輔惟
幄豈無籌鳳態傷紅艷鸞輿暖紫騮樹名端正
人在欲夢魂休識悟山旁鬼塵銷隴畔邱重來芳草
恨往事落花愁五十年鴻業東憑渭水流

尚書命題瓦硯

遠向端溪得皆因郢匠成鑿山青靄斷琢石紫花
輕散墨松香起濡毫藻自清入臺知價重著匣恐
塵生守墨還全器臨池早著名春闈携就試軍幙
載將行不獨兼陣兼能助筆耕莫嫌涓滴潤深
染古今情洗處無瑕玷添時識滿盈蘭亭如見用
敲夏有金聲

尚書會仙亭詠薔薇聯句寅坐中聯四韻

晚歸補緝所聯因成一篇

結綠根株翡翠莖勾芒中夜刺猩猩景陽粧赴嚴
鍾出楚峽神教暮雨晴躑躅豈能同日語玫瑰方
可一時呈風吹嫩帶香苞展露灑啼腮淚點輕阿
母藥宮期索去昭君榆塞闕費行藜高恐礙含泥
燕架隱宜棲報曙鶯鬪日只憂燒密葉映階疑
讓雙旌含烟散纈佳人惜落地遺鈿少坡爭丹渥
不因輸繡段錢圓誰把買聲海棠若要分流品
秋菊春蘭兩恰平

和尚書泉山瀑布十二韻

名齊火浣溢山椒誰把驚虹掛一條天外倚來秋
水刃海心飛上白龍綃民田鑿斷雲根引僧圃穿
通竹影澆噴石似煙輕漠漠濺崖如雨冷瀟瀟水
中蠶緒靛蒼壁日裏虹精絳霄寒漱綠陰仙桂
老碎流紅艷野桃天千尋練瀉年長在六出花開
夏日消息恐恐劃分青嶂骨又應裊裂翠微濯纓
便可譏漁父洗耳還宜傲帝堯林際猿猴偏得飯

岸邊烏鵲擬為橋赤城未到詩先寄廬阜曾遊夢
已遙數夜積霖聲更遠郡樓欹枕聽良宵宵

自詠十韻

只合滄洲釣與耕忽依螢燭功成未遊宦路叨
卑宦纔到名場得大名梁苑二年陪衆客溫陵十

載佐雙旌錢財盡是侯王惠骨肉偕承里巷榮拙

賦偏聞鐫印賣惡詩親見畫圖呈

使宅行寅回文八體詩圖兩面

庚午秋

樓赴宴親見

多栽桃李期春色濶鑿池

每一倒翻讀八韻也

塘許月明寒益衾裯饒美寢出乘車馬免徒行粗
支菽粟防饑歉薄有盃盤送迎僧俗共鄰棲隱
樂妻孥同愛水雲清如今便死還甘分莫更嫌他

白髮生

東風解凍省試

暖氣飄蘋末凍痕銷水中扇沈初覺洋吹海旋成
空入律三春照朝空萬里通岸分天影濶色照日
光融波起輕搖綠鱗遊乍躍紅慙慙排弱羽飛翥

趨和風

和僕射二十四丈牡丹八韻

帝王城裏看無故亦無新忍摘都緣借移栽未有
因光陰嫌太促開落一何頻羞殺登牆女饒將解
佩人蕊堪靈鳳咏香詩白龍親素練籠霞曉紅粧
帶臉春莫辭終席醉易老少年身買取歸天上寧
教逐世塵

釣絲竹

藿藿拂清流堪維舸艤舟野蟲懸作餌溪月曲為
鈎雨潤搖長風吹繞指柔若將諸樹比還使綠
楊羞蠶婦非堯女漁人是子猷湖邊舊栽處長映
讀書樓

五言律詩二十一首

旅次寓題

胡為名利役來往老闕河白髮隨梳少青山入夢
多途窮憐抱疾世亂耻登科却起漁舟念春風釣

綠波

釣臺

金門誰奉詔碧岸獨垂鉤
舊友祇樵叟新交惟野鷗
嘉名懸日月深谷化陵丘
便可招巢父長川好飲牛

贈嚴司直

承家居闕下避世出關東
有酒劉伶醉無兒伯道窮
新詩吟閣賞舊業釣臺空
雨雪還相訪心懷與

我同

贈東方道士

葫蘆窓畔掛是物在其間
雪色老人鬢桃花童子顏
祭星秋日採藥曉登山
舊放長生鹿時銜瑞草還

題僧壁

香厨流瀑布獨院鑱孤峯
紺髮青螺長文茵紫豹
重卵枯皆化燕蜜老却成蜂
明月留人宿秋聲夜

著松

和人經隋唐間戰處

孤軍前度戰一敗一成功卷旆早歸國卧屍猶臂

弓草間腥半在沙上血殘紅傷魄何為者五湖垂

釣翁

追和常建嘆王昭君

紅顏如朔雪日燦忽成空淚盡黃沙雨塵消白草

風君心爭不悔妾恨竟何窮願化南飛燕年年入

漢宮

贈董先生

壽歲過於百時間到上京食松雙鬢嫩絕粒四支

輕雨雪思中嶽雲霞夢赤城來年期受錄何處待

先生

八派兼河流

洪流盤砥柱淮濟不同波莫訝清時少都緣曲處

多遠能通玉塞高復接銀河大禹成門嶮為龍始

得過

題南寺

久別猿啼寺流年劫逝波舊僧歸塔盡古瓦長松
多壁蘚昏題紀窓螢散薜蘿平生英壯節何故旋

消磨

北山秋晚

十載衣裘盡臨寒隱薜蘿心閑緣事少身老愛山
多玉露催收菊金風促剪禾燕秦正戎馬林下好

婆婆

昔遊

昔遊紅杏苑今隱刺桐村歲計懸僧債科名負國
恩不書牋漸穩頻鑷鬢無根惟有經邦事年年志

尚存

酒胡子

紅筵絲竹合用爾作歡娛直指寧偏黨無私絕覲
覲當歌誰擲袖應節旋輕軀恰與真相似羶裘滿

領鬚帶華髮
近來吾道少
慟哭博陵君
直節巖前竹
孤魂嶺上雲
措紳傳確論
丞相取遺文
廢却中興策
何由免用軍

弔赤水李先生

三年悲過隙
一室類銷冰
妻病入仙觀
子窮隨嶽僧
荒邱寒有雨
古屋夜無燈
往日清猷著
金門幾

欲徵

香鴨

不假陶鎔妙
誰教羽翼全
五金池畔質
百和口中煙
嘴鈍魚難啄
心空火自燃
御爐如有闕
須進聖君前

鷄

名參十二屬
花入羽毛深
守信催朝日
能鳴送曉陰
莪冠裝瑞壁
利爪削黃金
徒有稻梁感
何由報

德音

白鴿

舉翼凌空碧依人到大邦粉翎棲畫閣雪影拂瓊

窓振鷺堪為侶鳴鳩好作雙狎鷗歸未得覩爾憶

晴江

龜

行止竟何從深溪與古峯青荷巢瑞質綠水返靈

蹤鑽骨神明應酬恩感激重仙翁求一卦何日脫

龍鍾

銀結條冠子

日下徵良匠宮中贈阿嬌瑞蓮開二朶瓊縷織千

條蟬翼輕輕結花紋細細挑舞時紅袖舉纖影透

龍綃

蜀葵

劔門南面樹移向會仙亭錦水饒花艷岷山帶葉

青文君慚婉婉神女讓娉婷爛熳紅兼紫飄香入

繡局

七言絕詩二十八首

鏡中覽懷

晨起梳頭忽自悲
鏡中親見數莖絲
從今休說龍泉劍
世上恩讐報已遲

楚國史

六國商於恨最多
良弓休縮劍休磨
君王不剪如簧舌
再得張儀欲柰何

張儀

荆楚南來又北歸
分明舌在不應違
懷玉本是無心者
籠得蒼鷹却放飛

薔薇

朝露灑時如濯錦
晚風飄處似遺鈿
重門刺著黃金鏤
莫被飛瓊摘上天

大夫松

五樹旌封許歲寒
挽柯攀葉也無端
爭如澗底凌

霜節不受秦皇號此官

杏園

杏苑簫聲好醉鄉春風嘉宴更無雙憑誰為謔穆
天子莫把瑤池並曲江

蕉葉

綠綺新裁織女機擺風搖日影離披只應青帝行
春罷閒倚東牆卓翠旗

路旁草

楚甸秦原萬里平誰教根尚路旁生輕蹄繡轂長
相蹋合是榮時不得榮

讀漢紀

布衣空手取中原勁卒雄師不足論楚國八千秦
百萬豁開胃臆一時吞

李夫人二首

不望金輿到錦帷人間樂極即須悲若言要識愁
中貌也似君恩日日衰

招得香魂爵少翁九華燈燭曉還空漢王不及吳
王樂且與西施死處同

不用牽心恨畫工帝家無策及邊戎香魂若得昇

明月夜夜還應照漢宮

馬嵬

二百來年事遠聞從龍誰解盡如雲張均兄弟皆

何在却是楊妃死報君

依韻贈南安方處士

五首

七貴五侯生肯退利塵名網死當拋黥婁寂寞嚴
陵卧借問何人與結交

休把羸蹄踏雪霜書成何處獻君王嵩山好與浮
邱約三十六峯雲外鄉

百萬僧中不為僧比君知道僅誰能無家寄泊南
安縣六月門前也似冰

兩鬢當春却似秋僻居誇近野僧樓落花明月皆
臨水明月不流花自流

五
晉楚忙忙起戰塵龔黃門下有高人一畦雲薤三
株竹席上先生未是貧

依韻荅黃校書

慈恩鴈塔參差榜杏苑鶯花次第遊白日有愁猶
可散青山高卧竟無愁

傷進士謝廷皓

大順中以詞賦著名與徐
寅相上下時號錦繡帷

獻書猶未達明君何事仙遊岱嶽雲惟有春風護
冤魄與先青草蓋孤墳

聞司空侍郎訃音

園綺生雖逢漢室巢繇死不謁堯階八徵夫君歿

去何人葬合取夷齊隱處理

偶題二首

買骨須求騏驥骨愛毛宜採鳳凰毛
鴛鴦燕雀堪何用仍向人前價例高

又

賦就長安振大名斬蛇功與樂天爭
歸來延壽溪頭坐終日無人問一聲

猿

宿有喬林飲有溪生來蹤跡遠塵泥
不知心更愁何事每向深山夜夜啼

追和賈浪仙古鏡

誰聞黃帝喬山塚明月飛光出九泉
狼籍蘚痕磨不盡黑雲殘點汙秋天

蝴蝶二首

不並難飛罽裏蛾有花芳處定經過
天風相送輕飄去却笑蜘蛛謾織羅

冉冉雙雙拂畫欄
佳人偷眼再三看
莫欺翼短飛長
近試就花間撲已難

新刺襪

素手春溪罷浣紗
巧裁明月半彎斜
齊宮合贈東昏寵
好步黃金菡萏花

鈞磯文集卷第六終

唐祕書省正字先輩徐公鈞磯文集卷第七

七言律詩五十二首

華清宮

十二瓊樓鎖翠微
暮霞遺却六銖衣
桐枯丹穴鳳何去
天在鼎湖龍不歸
簾影罷添新翡翠
露華猶濕舊珠璣
君王魂斷驪山路
且向蓬瀛伴貴妃

再幸華清宮

腸斷將軍改葬歸
錦囊香在憶當時
年來却恨相

思樹春至不生連理枝
雪女塚頭瑤草合
貴妃池裏玉蓮衰
霓裳舊曲飛霜殿
夢破魂驚絕後期

鬢髮

鬢添華髮數莖新
羅雀門前絕故人
減食為緣疎五味
不眠非是守庚申
深園竹綠齊抽笋
古木蛇青自脫鱗
天地有爐長鑄物
濁泥遺塊待陶鈞

喜雨上主人尚書

天皇攘袂勅神龍
雨我公田兆歲豐
幾日淋漓侵

暮角數宵滂沛徹
晨鐘細如春霧籠
平野猛似秋風擊
古松門下十年耕
稼者坐來偏憶翠微峰

迴文詩二首

飛書一幅錦紋迴
恨寫深情寄鴈來
機上月殘香閣掩
樹梢煙淡綠窓開
霏霏雨罷歌終曲
漠漠雲深酒滿林
歸日幾人行問卜
徽音想望倚高臺

又

輕航數點千峯碧
水接雲山四望遙
晴日海霞紅

靄靄曉天江樹綠迢迢清波石眼泉當檻小逕松
門寺對橋明月釣舟漁浦遠傾山雲浪暗隨潮
不把漁竿

不把漁竿不灌園策筇吟澆綠蕪村得爭野老眠
雲樂倍感閩王與善思鳥趣竹風穿靜戶魚吹煙
浪噴晴軒何人買我安貧趣百萬黃金未可論

古往今來

古往今來恨莫窮不如沈醉卧春風雀兒無角常

穿屋鸚鵡能言却入籠柳惠豈嫌居下位朱雲直
去指三公閑思郭令長安宅草沒匡牆舊事空

十里煙籠

十里煙籠一徑分故人迢遞久離羣白雲明月皆
由我碧水青山可贈君浮世宦名渾似夢半生勤
苦謾為文北印坡上青松下盡是鏘金佩玉墳

偶書

巧者多為拙者資良籌第一在乘時市門逐利終

身飽谷口躬耕盡日飢瓊玖鬻來燕石貴蓬蒿芳
處楚蘭衰高皇冷笑重瞳客蓋世拔山何所為

潤屋

潤屋豐家莫妄求眼看多是與身讐百禽羅得皆
黃口四皓山居始白頭玉爍火光爭肯變草芳崎
岸不曾秋朱門粉署何由到空寄新詩謝列侯

退居

鶴性松心合在山五侯門館候怯趨攀三年卧病不

能免一日受恩方得還明月送人沿驛路白雲隨
馬入柴關笑他范蠡貪恠甚相罷金多始退閑

閑門

閑却閑門卧竹房更何人與療膏盲一生有酒唯
知醉四大無根可預量骨冷欲針先覺痛肉頑頻
灸不成瘡漳濱伏枕文園渴盜跖縱橫似虎狼

閑窓

閑戶開窓寢又興三更時節也如水長閑便是忘

身飽谷口躬耕盡日飢瓊玖鬻來燕石貴蓬蒿芳
處楚蘭衰高皇冷笑重瞳客蓋世拔山何所為

潤屋

潤屋豐家莫妄求眼看多是與身讐百禽羅得皆
黃口四皓山居始白頭玉爍火光爭肯變草芳崎
岸不曾秋朱門粉署何由到空寄新詩謝列侯

退居

鶴性松心合在山五侯門館怯趨攀三年卧病不

能免一日受恩方得還明月送人沿驛路白雲隨
馬入柴關笑他范蠡貪恠甚相罷金多始退閑

閑門

閑却閑門卧竹房更何人與療膏盲一生有酒唯
知醉四大無根可預量骨冷欲針先覺痛肉頑頻
灸不成瘡漳濱伏枕文園渴盜跖縱橫似虎狼

閑窓

閑戶開窓寢又興三更時節也如水長閑便是忘

機者不出真如結夏僧環堵豈慙蝸作舍布衣寧
假鶴為翎薔薇花盡薰風起綠葉空隨滿架藤

燈花

點蠟燒銀却勝栽九華紅艷吐玫瑰獨含冬夜寒
光折不傍春風煖處開難見只因能送喜莫挑唯
恐墮成灰貪膏附熱多相誤為報飛蛾罷拂來

東歸出城留別知己

韋蒙屈指許非才三載長安共酒盃欲別未攀楊

柳贈相留擬待牡丹開寒隨御水波光散暖逐衡
陽鴈影來他日因書問衰颯東溪須訪子陵臺

詠懷

愁花變出白鬕鬚半世辛勤一事無道在或期君
夢想貧來爭柰鬼椰揄馬卿自愧長嬰疾顏子誰
憐不是愚借取秦宮臺上鏡為時開照漢妖狐

郊村獨遊

歲閨堪憐歷侯遲出門惟與野雲期驚魚擲上綠

荷芰棲鳥啄餘紅荔枝末路可能長薄命脩途應
合有良時市頭相者休相戲感滕先生半自知

經故翰林楊左丞池亭

八角紅亭陰綠池一朝青草蓋遺基薔薇藤老開
花淺翡翠巢空落羽奇春榜幾深門下客樂章多
取集中詩平生德義人間誦身後何勞更立碑

經故廣平員外舊宅

門巷蕭條引涕洟遺孤三歲著麻衣綠楊樹老垂

絲短翠竹林荒著筍稀結社僧因秋朔弔買書船
近葬時平生欲獻匡君策抱病猶言未息機

潘丞相舊宅

綠樹垂枝蔭四鄰春風還似舊時春年年燕是雕
梁主處處花隨落月塵七貴竟為長逝客五侯尋
作不歸人秋槐影薄蟬聲盡休謂龍門待化鱗

門外閑田數畝長有泉源因築直堤分為

兩沼

左右澄漪小檻前
直堤高築古平川
十分春水雙簷影
一片秋空兩月懸
前岸好山搖細浪
夾門嘉樹合晴烟
坐來暗起江湖思
連問漁翁買釣船

北園

北園乾葉旋空枝
蘭蕙還將衆草衰
籠鳥上天猶有待
病龍興雨豈無期
身閑不厭頻來客
年老偏憐最小兒
生事罷求名與利
一牕書策是年支

溪上要一隻白簾扇
蓋頭垂釣去年就節

推侍御請之蒙惠一柄
紫花紋者雖則鱗華
具甚紕薄不及清源
所出因就南郡陳常
侍請之遂成拙句

難求珍筴過交天
遠就金貂乞月圓
直在引風歌角枕
且圖遮日上漁船
但令織取無花簾
不用挑為飲露蟬
莫道如今時較晚
也應留得到明年

招隱

齒髮那能敵歲華
早知休去避塵沙
鬼神只矚高

明里倚伏不干棲隱家陶景豈全輕組綬留侯非
獨愛烟霞贈君吉語堪銘座看取朝開暮落花

憶山中友

憶得當年接善鄰苦將閑事強夫君闕開碧沼分
明月各領青山占白雲近日藥方多繕寫舊來詩
草半燒焚金門幾欲言西上惆悵關河正用軍

溪隱

將名將利已無緣深隱清溪擬學仙絕却腥羶勝

服藥斷除盃酒合延年蝸牛殼陋寧同舍榆莢花
開不是錢鸞鶴久從籠檻閉春風却放紙為鳶

酒醒

酒醒欲得適閑情騎馬那勝策杖行天暖天寒三
月暮溪南溪北兩村名沙澄淺水魚知釣花落平
田鶴見耕望斷長安故交遠來書未說九河清

夢斷

夢斷紗窓半夜雷別君花落又花開漁陽路遠書

難寄衡嶽山高月不來
玄燕有情穿繡戶
靈龜無應祝金盃
人生若得長相對
螢火生煙草化灰
人事飄如一炷烟
且須求佛與求仙
豐年甲子春無雨
良夜庚申夏足眠
顏氏豈嫌瓢裏飲
孟光非取鏡中妍
平生計何為者
三逕蒼苔十畝田

休說

休說人間有陸沉
一樽閑待月明斟
時來不怕滄

溟濶道大却憂潢
潦深白首釣魚應
是分青雲干祿已
無心梓桐賦罷相
如隱誰為君前永
夜吟

嘉運

嘉運良時兩阻脩
釣竿簑笠樂林丘
家無寸白渾閑事
身似浮雲且自繇
庭際鳥啼花旋落
潭心月在水空流
晨炊一箸紅銀粒
憶著長安索米秋

綠鬢

綠鬢先生自出林
孟光同樂野雲深
躬耕為食古

人操非織不衣賢者心眼衆豈能分瑞璧舌多須
信爍良金君看黃閣南遷客一過瀧州絕好音

驕侈

驕侈陷危儉素牢鏡中形影豈能逃石家恃富身
還滅顏子非貧道不遭蝙蝠亦能知日月鸞凰那
肯啄腥臊古今人事惟堪醉好脫霜裘換綠醪

龍蟄

龍蟄蛇蟠却待伸和光何惜且同塵伍員豈是吹

簫者冀缺非同執耒人神劍觸星當變化良金成
器在陶鈞穰侯休忌關東客張祿先生竟相秦

又

休說雄才問代生到頭難與運相爭時通有詔徵
枚乘世亂無人薦禰衡逐日莫矜駑馬步司晨誰
要牝雞鳴中林且作烟霞侶塵滿關河未可行

逐臭蒼蠅

逐臭蒼蠅豈有為清蟬吟露最高奇多歲苟得何

名富飽食嗟來未勝飢窮寂不妨延壽考貪狂縱
待算毫釐首陽山翠千年在好奠冰壺弔伯夷

安山韓牡丹花

看徧花無勝此花剪雲披^雪蘇丹砂開當青律二
三月破却長安千萬家天縱穠華剽鄙者春教妖
豔毒豪奢不隨韓令同持 倍種霜松與辟邪

萬萬花中第一流淺霞輕染嫩銀甌能狂綺陌千

金子也感朱門萬戶侯朝日照開攜酒看暮風吹
落遶欄收詩書滿架塵埃撲盡日無人畧舉頭

尚書座上賦牡丹花得輕字韻其花自越

蘇東中移植

流蘇凝作瑞華精仙閣開時麗日晴霜月冷銷銀
燭焰寶甌圓印綵雲英嬌含嫩臉春粧薄紅蘇香
綃艷色輕早晚有人天上去寄他將贈董雙成春

依韻和尚書再贈牡丹花

爛銀基地薄紅粧羞殺千花百卉芳紫陌昔曾遊
寺看朱門今再遶欄相龍分夜雨資嬌態天與春
風發好香多著黃金何處買輕橈挑過鏡湖光
垂淚紅艷已空猶倚欄積蘚下銷香藥盡晴陽高
照露華乾明年萬葉千枝長倍
芳菲借客看

追和白舍人詠白牡丹

蓓蕾抽開素練囊瓊葩薰出白龍香裁分楚女朝
雲片剪破姮娥夜月光雪句豈須徵柳絮粉腮應
恨帖梅粧檻邊綫笑東籬菊冷折金風待降霜

憶牡丹

綠樹多和雪霰栽長安一別十年來王侯買得價
偏重桃李落殘花始開宋玉鄰邊腮正嫩文君機
上錦初裁滄洲春暮空腸斷盡看猶將勸酒杯

惜牡丹

今日狂風揭錦筵，預愁吹落夕陽天。
閑看紅艷只宜醉，謾惜黃金豈是賢。
南國好偷誇粉黛，漢宮宜摘贈神仙。
良時雖作鶯花主，白馬王孫恰少年。
初斷花落洞庭人未歸，天遠有書隨驛使。
夜長無燭照寒機，年來泣淚知多少。
重疊成痕在繡衣。

芳菲移自越王臺，最似薔薇好並栽。
穠艷盡憐勝綵繪，嘉名誰贈作玫瑰。
春藏錦繡風吹折，天染瓊瑤日照開。
為報朱衣早邀客，莫教零落委蒼苔。

日日黃梅花

瓊瑤初綻嶺頭葩，藥粉新粧姹女家。
舉世更誰憐潔白，癡心皆盡愛繁華。
玄冥借與三冬景，謝氏輸他六出花。
結實和羹知有日，肯隨羌笛落天涯。

木犀荔枝

朱彈星丸粲日光綠瓊枝散小香囊龍綃殼綻紅
紋栗魚目珠涵白膜漿梅熟已過南嶺雨橘酸空
待洞庭霜蠻山蹋曉和煙摘拜捧金盃獻越王

日日薰風卷瘴煙南園珍果荔枝先靈鴉啄破瓊

津滴寶器盛來蚌腹圓錦里只聞銷醉渴蕊官惟

合贈神仙何人刺出猩猩血深染羅紋遍殼鮮

菊花

桓景登高事可尋黃花開處綠畦深
消災辟惡君須採冷露寒霜我自禁
物早榮還早謝澗松同德復同心
陶公豈是居貧者刺有東籬萬朶金

畫松

澗底陰森驗筆精筆閑開展覺神清
曾當月照還無影若許風吹合有聲
枝偃只應玄鶴識根深宜與茯苓生
天台道士頻來見說似株株倚赤城

鈞磯文集卷第七終

唐祕書省正字先輩徐公鈞磯文集卷第八
七言律詩五十二首

草木

草木無情亦可嗟
重開明鏡照無涯
菊英空折羅
舍宅榆莢不生原
憲家天命豈憑醫
藥石世途還
要辟蟲沙仙翁乞
取金盤露洗却蒼
蒼兩鬢華

澗底青松不染塵
未逢良匠競誰分
龍盤勁節巖

前見鶴唳翠梢天上聞大厦可營誰擇木女蘿相
附欲凌雲皇王自有增封日脩竹徒勞號此君

翠染琅玕粉王開東南移得會稽栽遊絲掛處漁
竿去綠水夾時龍影來風觸有聲舍六律露霑如
洗絕浮埃王猷舊宅無人到抱却清陰蓋綠苔

郡侯座上觀琉璃瓶中遊魚

寶器一泓銀漢水錦鱗纔動即先知似涵明月波

寧隔欲上輕冰律未移薄霧來分咫尺碧綃籠
處校毫釐文翁未得沉香餌擬置金盤召左慈

尚書打球小驄步驟最奇因有所贈

善價千金未可論燕王新寄小龍孫逐將白日馳
音漢銜得流星入畫門步驟最能隨手轉性靈多
恐會人言桃花雪點多雖貴全假當場一顧恩

尚書惠蠟面茶

武夷春暖月初圓採摘新芽獻地仙飛鵲印成香

蠅片啼猿溪走木蘭船金槽和碾沈香未冰梳輕
涵翠綠烟分贈恩深知最異晚錨宜煮北山泉

休向樽前翹羽觥百壺清酌與君傾身同綠樹年
年老事比紅塵日日生六國英雄徒反覆九原松
柏甚分明醉鄉路與乾坤隔豈信人間有利名

斷酒

因論沈酒覺前非便碎金壘與羽庖採茗早馳三

蜀使看花甘負五侯期窓間近火劉伶傳坐右新
銘管仲辭此事十年前已說匡廬山下老僧知

憶舊山

澗竹巖雲有舊期二年頻長鬢邊絲遊魚不愛金
杯水棲鳥敢求瓊樹枝陶景戀深松檜隱留侯拋
却帝王師龍爭虎攫皆閑事數疊山光在夢思

西華

五千仞有餘神秀一一排雲上沈寥疊嶂出關分

二陝殘岡過水作中條巨靈廟破生春草毛女峯
高入絳霄拜祝金天乞陰德為民求主降神堯

嶺似屏風

嶺似屏風草似茵草邊時膾錦花鱗山中宰相陶
弘景谷口耕夫鄭子真官達到頭思野逸才多未
必笑清貧君看東洛平泉宅只有年年百卉春

憶潼關

洞壑雙扉入到初似從深窅覩高虛天開白日臨

軍國山夾黃河護帝居隋煬遠遊宜不及奉春長
策竟何如須知皇漢能局鐻延得年 四百餘

憶潼關早行

行客起看仙掌月落星斜照濁河泥故山遠處高
飛鴈去馬鳴時先早雞關柳不知誰氏種岳碑猶
見聖君題芻蕘十軸僅三尺豈謂青雲便有梯

鴻門

穉月耕煙水國春薄徒應笑作農人皇王尚法三

推禮白社寧忘四體勤
兩灑蓑衣芳草暗烏啼雲
樹小村貧猶勝墮力求
殮者五斗低腰走世塵

憶長安行

舊歷關中憶廢興
僭奢須戒儉須憑
火光只是燒秦塚
賊眼何曾視灞陵
鐘鼓煎催人自急
侯王更換恨難勝
不如坐釣清溪月
心與寒潭一片澄

憶長安上省年

忽憶關中逐計車
歷坊騎馬信空虚
三秋病起

新滌八月夜長思
舊居宗伯帳前曾
獻賦相君門下再
投書如今說著猶
堪泣兩宿都堂過
歲除

長安述懷

黃河水合尚遊知
命知時肯躁求
詞賦有名堪自負
春風落第不曾羞
風塵色裏凋雙鬢
擊鼓聲中歷幾州
十載公卿早言屈
何須課夏更冥搜

長安即事三首

拋擲清溪舊釣鈎
長安寒暑再環周
便隨鶯羽三

春化只識蟬聲一度愁掃藻自憐窓雪燕上天寧
愧海槎流明時則待金門詔肯羨班超萬戶侯

無酒窮愁結自舒飲河求滿不求餘身登霄漢平
時第家得干戈定後書富貴敢期蘇季子清貧方
見馬相如明時用即匡君去不用何妨却釣魚

拖紫腰金不要論便堪歸隱白雲村更無名籍強

金榜豈有花枝勝杏園綺席促時昏國器羽旄飛
處盡王孫高眠亦是前賢事爭報春闈莫大恩

東京次新安道中

賊去兵來歲月長野蒿空滿壞墻匡旋從古轍成
深谷幾見金輿過上陽洛水送年催代謝高山擎
日拂穹蒼殊時異世為儒者不見文皇與武皇

山陰故事

坦腹夫君不可逢千年猶在播英風紅鷺化鶴青

天遠綵筆成龍綠冰空愛竹只應憐直節書裙多
是為竒童吹笙嶺登山後東注清淮豈有窮

溫陵即事

早年師友教為文賣却漁舟網典墳國有安危期
日諫家無儋石暫從軍非才豈合攀丹桂多病猶
堪伴白雲爭得千鍾李孫粟滄洲歸與故人分

溫陵殘稿書懷寄崔尚書

濟川無楫擬何為三傑還從漢祖推心學度槐空

發火鬢同門柳即垂絲中興未遇先懷策除夜相
催也課詩江上年年接君子一杯春酒一枰棊

義通里寓居即事

家住寒梅翠嶺東長安時節詠途窮牡丹家小春
餘雨楊柳絲疎夏足風愁鬢已還年紀白衰容寧
藉酒盃紅長卿甚有凌雲作誰與清吟遶帝宮

上陽宮詞

點點苔錢上玉墀日斜空望龍西粧臺塵暗青

鸞掩宮樹月明黃鳥啼庭草可憐分雨露君恩深
恨隔雲泥銀蟾借與金波路得入重輪伴弄妻

西塞寓居

閑讀南華對酒盃醉携筇竹畫蒼苔豪門有利人
爭去陋巷無權客不來解報可能醫病雀重燃誰
肯照寒灰嚴陵萬古清風在好棹東溪詠釣臺

又

功智爭馳淡薄空猶懷忠信擬何從鷓鴣咏腐疑

雛鳳神鬼欺貧笑伯龍烈日不融霜鬢雪病身全
仰竹枝筇崇侯入輔嚴陵退堪憶啼猿萬仞峯

題福州天王閣

絕境宜棲獨角仙金張到此亦忘還三門裏面千
層閣萬井中心一朵山江拘碧灣盤洞府石排青
壁護禪關有時海上看明月輾出冰輪疊浪間

憶萬

薦福寺南宮

合問

憶昔長安落第春佛宮南院獨遊頻燈前不動惟

金像壁上曾題畫古人鷓鴣聲中雙闕雨牡丹花
際六街塵啼猿溪上將歸去合問昇平詣秉鈞

塔院小屋四壁皆是卿相題名因成四韻

鴈塔攬空映九衢每看華宇每踟躕題名盡是台

衡迹滿壁堪為宰輔圖鸞鳳豈巢荆棘樹蚪龍多

蟄帝王都誰知遠客思歸夢夜夜無船自過湖

題琉璃院今改名景祥院

一條溪遶翠巖隈行脚僧言勝五臺一本作一條溪碧遠崔嵬

餅鉢偏宜農罷樹陰黃犢卧齋時山下白衣來松

向此隈因往日門人種路是前生長老開三卷貝多金粟

語可能

寺中偶題

聽話金仙白相毫每來皆得解塵勞鶴棲雲路看

方貴僧倚松門見始高名利罷燒心內火雪霜偏

垢鬢邊毛銀蟾未出金烏在更上層樓眺海濤

山寺寓居

高卧東林最上方
水聲山翠別愁腸
白雲送雨籠
僧闍黃葉隨風入
客堂終去四明成
大道暫從雙
鬢許秋霜
披緇學佛應無分
鶴氅談空亦不妨

寄僧偶題

佛頂抄經憶惠休
眾人皆謂我悠悠
浮生真箇醉
中夢閑事莫添身
外愁
百歲付於花暗落
四時隨
却水奔流安賦靜
笑思何報日夜楚
修祝郡侯粟

遊靈隱天竺二寺

丹井冷泉虛易到
兩山真界實難名
石和雲霧蓮
華氣月過樓臺桂
子青騰踏回橋
巡像設默穿曲

洞出龍

更憐童子呼猿去
颯颯蕭蕭下樹行

醉題邑宰南塘屋壁

萬古清淮照遠天
黃河濁浪不相聞
縣留東道三
千客宅鑱南塘
一片山草色淨
經秋雨綠燒痕寒
入曉窓斑闌
王美錦求賢製未許
陶公解印還

題泗州塔

卷八

十

十年前事已悠哉
旋被鐘聲早暮催
明月似師生
又沒白雲如客去
還來烟籠瑞閣僧
經靜風打虛
牕夜月開惟有南邊山色在
重重依舊上高臺
萬古青東歸題屋壁
所處身不計
聞報留東館
塵埃歸去五湖東
還是衡門一畝宮
舊業旋從征
賦失故人多逐亂
離空恩悲盡室如懸磬
却擬攜
家學轉蓬見說武王天上夢無情
曾與傅巖通

舟中寓題

酒壺碁局似閑人
竹笏藍衫老此身
託客買書重
得卷愛山移宅近
為鄰鳴蛩閣上風
吹病落葉庭
中月照貧見說
天池波浪闊也應
涓滴濺窮鱗

故土偶題

閑補亡書見廢興
偶然前古也填膺
秦宮猶自拜
張祿楚幕不知留
范增大道豈全闕
歷數雄圖強
半屬賢能燕臺財力知多少
下黃金到九層

寓題述懷

大道真風早晚還妖訛成俗污乾坤宣尼既沒蘇
張起鳳鳥不來雞雀喧芻豢可能供驥子草多誰
復訪蘭蓀堯廷忘却徵元凱天關重關十二門

閩蘇子將入城靈口道中作

路上長安咫尺間灞陵西望接秦源依稀日下分
天關隱映雲邊是國門錦袖臂鷹河北客青桑鳴
雉渭南村高風幾萬程途近與報滄洲欲化鯤

新屋

耳順何為土木新叔孫墻屋有前聞縱然一世如
紅葉猶得十年吟白雲性逸且圖稱野客才難非
敢傲明君清甜數尺沙泉井平與鄰家晝夜分

新葺茆堂二首

剪竹誅茅就水雲靜中還得保天真只聞神鬼害
盈滿不見古人爭賤貧相影便為廊廡屋草香權
當綺羅茵塔前一片泓澄水借與汀禽活紫鱗

耨水耕山息故林，壯圖嘉話負前心。
素絲鬢上分愁色，絡緯床頭和苦吟。
筆硯不才當付火，方書多誑罷燒金。
同年二十八君子，遊楚遊秦斷好音。

鴛瓦虹梁計已疎，織茅編竹稱貧居。
剪平恰似山僧笠，掃淨真同道者廬。
秋晚捲簾看過鴈，月明憑檻數跳魚。
重門公子應相笑，四壁風霜老讀書。

客廳

移却松筠致客堂，淨泥環堵貯荷香。
衡茅只要免風雨，藻梲不須高棟梁。
豐蔀仲尼明演易，作歌五子恨雕牆。
燕臺漢閣王侯事，青史千年播耿光。

詠寫真

寫得衰容似十全，閑開僧舍靜時懸。
瘦於南國從軍日，老却東堂射策年。
潭底看身寧有異，鏡中引影更無偏。
借將前輩真儀比，未愧金鑿李謫仙。

放榜日

喧喧車馬欲朝天人探東堂榜已懸萬里便隨金
鸞族三台仍借玉連錢南海相公此時在京蒙借鞍馬人僕花浮酒
影彤霞爛日照衫光瑞色鮮十二街前樓閣上捲
簾誰不看神仙

曲江宴日呈諸同年

鷓鴣驚鳳凰同忽向中興遇至公金榜連名名昇
碧落紫花封勅出瓊宮天知惜日遲遲暮春為催
花旋旋紅好是慈恩題了望白雲飛盡塔連空

渤海賓貢高元固先輩閩中相訪云本國
人寫得真斬蛇劍御溝水人生幾何賦家
皆以金書列為屏障因而有贈

折桂何年下月宮閩山來問我雕蟲肯銷金翠書
屏上誰把芻蕘過日東郊子昔時遭孔聖由余往
代諷秦宮嗟嗟大國金門士幾箇人能振素風

鈞礪文集卷第八終

唐祕書省正字先輩徐公鈞礪文集卷第九

七言律詩五十二首

偶吟 缺

產破身窮為學儒我家諸表愛詩書嚴陵雖說臨

溪隱晏子還聞近市居住句麗偷紅菡萏吟窓冷落白蟾蜍閑來共話無生理今古悠悠事總虛

輦下贈屯田何員外

封章頻得帝咨嗟報國惟將直破邪身到西山書幾達官登南省鬢初華厨非寒食還無火菊待重陽擬泛茶內翰好才兼好古秋來應數到君家員外

與楊楚丞翰林同年恩義最深

贈月君

山妻字月君伏見文選中顧彥先亦有贈婦因杼此詠

出水蓮花比性靈三生塵夢一時醒神傳尊勝陀羅呪佛授金剛般若經懿德好書添女誠素容堪畫上銀屏鳴梭軋軋織織手窓戶光流織女星

贈垂光同年

丹攀桂來十七春如今始見茜袍新須知紅杏園中客終作金鑾殿裏臣逸少家風惟筆札玄成世業是陶鈞他時黃閣朝元處莫忘同年射策人

贈楊著作

藻麗熒煌士林白華榮養有曾參十年去里君
門改八歲能詩相座吟李廣不侯身漸老子山操
賦恨何深釣魚臺上頻相訪共說長安淚滿襟

贈黃校書先輩璞閑居

取得驪龍第四珠退休僧寺卜貧居青山入眼不
干祿白髮滿頭猶著書東澗野香添碧沼南園夜
雨長秋蔬月明掃石吟詩坐諱却全無儋石儲
尚書榮拜恩命夤疾中輟課惡詩二首以

申攀讚

明公家鑿鳳凰池弱冠封侯四海推富貴有期天
授早關河多難勅來遲昂星人傑當正佐黃石仙
翁識帝師昨日詔書猶漏缺未言商也最能詩

又

東郊迎入紫泥封此日天仙下九重三五月明
闕澤百千人衆看王恭旗傍綠樹遙分影馬踏浮
雲不見蹤借問乘軺何處客相庭雄幕卷芙蓉

府王僕射王搏生日

光化三年己未八月

熊羆先兆慶垂休
天地氤氳瑞氣浮
李樹影籠周柱史
昴星光照漢鄼侯
數鍾龜鶴千年筭
律正乾坤八月秋
勲業定應歸鼎鼎
生靈豈獨化東甌

戲內翰楊侍郎

憲開青瑣見瑤臺
冷拂星辰逼上台
丹鳳詔成中使取
白龍香近聖君來
欲言溫暑三緘口
閑賦宮詞八斗才
莫擬吟雲避榮貴
廟堂玉鉉待鹽梅

送劉常侍

惜君何計更留連
忍送文星上碧天
杜預注通三十卷
漢皇枝紹幾千年
言端信義如明月
筆下篇章似湧泉
他日有書隨雁足
東溪無吝訪漁船

送盧拾遺歸華山

紫殿諫多防佞口
清秋假滿別明君
惟憂急詔歸青瑣
不得經時卧白雲
千載茯苓攜鶴斲
一峯仙掌與僧分
門前舊客期相薦
猶望飛書玉文

春末送陳先輩之清源
貧中惟是長年涯
每羨君行自嘆嗟
歸日捧持明月寶
去時期刻刺桐花
春風避酒多遊寺
曉騎聽雞早入衙
千乘侯王若相問
飛書與報白雲家

上盧三拾遺以言見黜
骨鯁如君道尚存
近來人事不須論
疾危必厭神明藥
心惑多嫌正直言
冷眼靜看真好笑
傾懷與說却為寬
因思周廟當時誠
金口三緘示後昆

送王校書往清源

南國賢侯待德風
長途仍借九花驄
清歌早貫驪龍頷
丹桂曾攀玉兔宮
楊柳堤邊梅雨熱
鷓鴣聲裏麥田空
吟詩臺上如相問
與說磻溪直釣翁

岳州端午日送人遊柳連

五月巴陵值積陰
送君千里客於郴
北風吹雨黃梅落
西日過湖青草深
競渡岸傍人掛錦
採羹城上女遺簪
九嶷雲濶蒼梧暗
與說重華舊德音

山文並賀清源太保王延柳二首

蕊珠宮裏謫神仙八載溫陵萬戶閑
心地闊於雲夢澤官資高却太行山
姜牙兆寄熊羆內陶侃文成掌握間
應笑清溪舊門吏年年扶病掩柴關

武榮江畔蔭祥雲寵拜天人慶郡人
五色鶴綾花上勅九霄龍尾道邊臣
英雄達處誰言命富貴來時自逼身
更待春風飛吉語紫泥分付與陶鈞

病中春日即事寄主人尚書二首

身比秋荷覺漸枯致君經國墮前圖
層冰照日猶能暖病骨逢春却未蘇
鏡裏白鬚擣又長枝頭黃鳥靜還呼
庾樓恩化通神聖何計教招擲得盧

風拍衰肌久未蠲破窓頻見月團圓
更無舊日同人問只有多情太守憐
臘內送將三折股歲陰分與五銖錢
玄穹若假年齡在願捧銅盤為國賢

五機寄華山司空侍郎三首

金闕爭權競獻功，獨逃微詔卧三峯。
雞羣未必容於鶴，蛛網何由捕得龍。
清論盡應書國史，靜籌皆可息邊烽。
風霜落滿千林木，不近青青澗底松。

非雲非鶴不從容，誰敢輕量傲世蹤。
紫殿幾微王佐業，青山未拆詔書封。
閑吟每待秋空月，早起長先野寺鐘。
前古負材多為國，滿懷經濟欲何從。

仙掌林中第一人，鶴書時或問眠雲。
莫言疎野全無事，明月清風肯放君。

寄盧端公同年仁炯時遷都洛陽新立幼

上陽宮闕翠華歸，百辟傷心序漢儀。
崑嶽有交瓊玉碎，洛川無竹鳳凰飢。
須簪白筆匡明主，莫許黃齋博少師。
惆悵宸居遠於日，長吁空摘鬢邊絲。

寄天台陳希敏
陰山水凍嘗迎夏
蟄戶雲雷只待春
呂望豈嫌垂釣老
西施不恨浣紗貧
坐為羽獵車中相
飛作君王掌上身
拍手相思惟大笑
我曹寧比等閒人

寄兩浙羅書記

進即煙沈退却升
錢塘風月過金陵
鴻才入頁無人喚
白首從軍有詔徵
博簿集成時輩罵
讒書編就薄徒憎
憐君道在名長在
不到慈恩最上層

邑宰相訪翼日有寄

淵明深念却說貧
踏破莓苔看甌塵
碧沼共攀紅菡萏
金鞍不卸紫麒麟
殘陽妬害催歸客
薄酒甘嘗罰主人
夜半夢醒追復想
欲長攀接有何因

白酒兩瓶送崔侍御

雪化霜融好潑醅
滿壺冰凍向春開
求從白石洞中得
攜向百花巖畔來
幾夕露珠寒貝齒
一泓銀水冷瓊盃
湖邊送與崔夫子
誰見稽山盡日顏

依韻酬常循州夫子
早年花縣拜潘郎
尋忝飛鳴出桂堂
日走青天渾似箭
人同紅樹豈禁霜
帆分南浦知離別
駕在東州更可傷
公論一麾將塞詔
且隨徵令過瀟湘

嘗得主謝主人惠綠酒白魚

早起鵲聲送喜頻
白魚芳酒寄來珍
馨香乍揭春風甕
撥刺初辭夜雨津
樽潤最宜澄桂液
網疎殊未損霜鱗
不曾垂釣兼親醞
堪愧金臺醉飽身

蜀

雖倚關張敵萬夫
豈勝恩信作良圖
能均漢祚三分業
不負荊州六尺孤
綠水有魚賢已得
青桑如蓋瑞先符
君王幸是中山後
建國如何號蜀都

魏

伐罪書勳令不常
爭教為帝與為王
十年小怨誅桓邵
一檄深讐怨孔璋
在井蟄龍如屈伏
食糟驕馬忽騰驤
姦雄事過分明見
英識空懷許子將

一主參差六十年父兄猶慶授孫權不迎曹操真
長策終謝張昭見碩賢建業龍盤雖可貴武昌魚
味亦何偏秦嬴謾作東遊訝計紫氣黃旗豈偶然

三世深謀啓帝基可憐孀婦與孤兒罪歸成濟皇
天恨戈犯明君萬古悲巴蜀削平輕似紙勾吳吞
却美於從多高鼻能知數競向中原簸戰旗

宋二首

天爵將儋石論一身恭儉萬邦尊賭將金帶驚
寰海留得耕衣誠子孫締構不應饒漢祖姦雄何
足數王敦草中求活非吾事豈嘗橫身向廟門

百萬人甘一擲輸玄穹惟與道相符豈知紫殿新
天子只是丹徒舊嗇夫五色龍章身早見六終鴻
業數難逾三年未得分明夢却為蘭陵啓霸圖

蕭燮陳三平未歸公即夢時歲蘭刻於露圖
三惑昏昏中紫宸萬機拋却醉臨春書中不禮隋
文帝井底尚攜張貴嬪玉樹歌聲移入哭金陵天
子化為臣兵戈半渡前江水狎客猶聞爭酒巡

漢王讀史中末古非吾意豈曾對長向風門
亞父淒涼別楚營天留三傑翼龍爭高才無主不
能用直道有時方始平喜愠子文何穎悟卷藏蘧
瑗甚分明須知飲啄由天命休問黃河早晚清

漢宮新寵

位在嬪妃最上頭笑他長信女悲秋日中月滿可
能久花落色衰珠未憂公主鏡中爭翠羽君王袖
底奪金鈎妾家兄弟知多少恰要同時拜列侯

天並補開元即事

曲江真宰國忠訛尋奏漁陽忽荷戈堂上有兵天
不用幄中無策印空多楊國忠時兼諸多塵驚騎透
潼關鎖雲送龍遊錦水波未必蛾眉能破國千秋

休恨馬嵬坡

李翰林

謫下三清列八仙獲調羹鼎侍龍顏吟開鎖闥窺
天近醉卧金鑿待詔閑舊隱不歸劉備國旅魂長
寄謝公山遺編狂簡應飛去散入祥雲瑞日間

聞長安庚子歲事

羽檄交馳觸冕旒函闕飛入兜鍪
虢皇王去國未為恨寰海失君方是憂
五色火雲凝蜀郡幾般妖

氣撲神州唐堯縱禪乾坤位不是重華莫謾求

公子行

十五轅門學控弦六街騎馬去如煙
金多倍著牡丹價髮白未知章甫賢
有耳不聞經國事拜官方買謝恩
戲相如謾說凌雲賦四壁何曾有一錢

依韻贈嚴司直

曾轉霜蓬到玉京宣尼思奏樂卿名歌殘白石扣
牛角賦換黃金愛馬卿滄海二隅身漸老太行千

疊路難行夫君才大官何小堪恨人間事不平
飛上鰲頭侍玉皇三台遺耀換餘光人間搦管窮
蒼頡地上修文待卜商貞魄肯隨金石化真風留
伴蕙蘭香皇天未啓昇平運不使伊臯相禹湯

日月無情

日月無情也有情朝昇夕沒照均平雖催前代英
雄死還促後來賢聖生三足靈烏金借耀一輪飛

鏡水饒清憑誰築斷東溟路龍影蟾光免運行

新月

雲際嬋娟出又藏美人腸斷拜金方姮娥一隻眉
先掃織女三分鏡未光珠箔寄鈎懸杳靄白龍遺
爪印穹蒼更期十五圓明夜與破陰霾照八荒
無根無蒂結還融曾觸嵐光徹底空不散幾知離
畢雨欲飛須待落花風玲瓏薄展鮫綃片幕歷輕

含鳳竹叢瓊什捧來思舊隱撲窓穿戶曉溟濛
無外無宮鶯
領得春光在帝家早從深谷出煙霞閑棲仙禁日
邊柳飢啄御園天上花
是問宮娃可憐鸚鵡矜言語長閉雕籠歲月賒

雙鷺

雙鷺雕籠昨夜開月明飛出立庭隈但教綠水池
塘在自有碧天鴻鴈來清韻叫霜歸鳥樹素翎遺

雪落漁臺何人為我追尋得重勸溪翁酒一盃

鷓鴣

繡僕梅兼羽翼全楚雞非瑞莫爭先啼歸明月落
邊樹飛入百花深處烟避燒幾曾移遠岫引雛時
見飲晴川荔枝初熟無人際啄破紅苞墜野田

宮馬

頌侍春光在帝家平從深谷出煙波閃耀

良機說似燕林似燕無人親如燕工道聖澤田

靈樹飛入百芬新氣融融遊熱幾曾綠翠如日耀

麟對錦兼印翼全焚驟非微莫用夫知報即日哉

雙龍飛入百芬新氣融融遊熱幾曾綠翠如日耀

釣磯文集卷第九終

唐祕書省正字先輩徐公釣磯文集卷第十

七言律詩五十二首

吳郡子鷹

害物傷生性豈馴且宜籠罩待知人惟擒燕雀啣
腥血却笑鸞鳳咏翠釣放兎穴多非爾識鳴鳩脰
短罰君身豪門不讀詩書者走馬平原放翫頻

縹緲青蟲脫殼微不堪烟重雨霏霏一枝穠艷留

縹緲青蟲脫殼微不堪烟重雨霏霏一枝穠艷留

教住幾處春風借與飛防患每憂雞雀口憐香偏
繞綺羅衣無情豈解闕魂夢莫信莊周說是非

拂綠穿紅麗日長一生心事任春光最嫌神女來
行雨愛伴西施去採香風定只應攢蕊粉夜寒長
是宿花房鳴蟬性分殊違濶空解三秋噪夕陽

寶持多用繡為囊雙日交加兩片霜金匣掠平花

翡翠綠窓裁破錦鴛鴦初連理枝猶短誤綰同
心帶不長欲製溫袍先把看非紈綺愧銛銛

紙被

文采鴛鴦罷合歡細柔輕綴好魚牋一床明月蓋
歸夢數尺白雲籠冷眠披對勁風溫勝酒擁聽寒
雨暖於綿赤眉豪客見皆笑却問儒生直幾錢

紙帳

幾笑文園四壁空避寒深入剡藤中誤懸謝守澄

疑暗零落殘花旋委空幾處隔簾愁夜雨誰家當
戶怯秋風莫言明滅無多事曾比人生人世中

詠扇

為發涼飈滿玉堂每親襟袖便難忘霜濃雪暗知
何在道契時來忽自揚曾伴一樽臨小檻幾遮殘
日過回廊漢宮如有秋風起誰信班姬淚數行

詠筆二首

秦代將軍欲建功截龍搜鬼助英雄用多誰念毛

皆拔拋却更嫌心不中史氏只應歸道直江淹何
獨偶靈通班超投管不成事投擲翻從萬里戎

又

君子三歸擅一名秋毫無細非輕軍書羽檄教
誰錄帝命王言待我成勢健豈饒淝水陣鋒銛還
學歷山耕毛乾氏有何人潤盡把燒焚恨始平

詠錢

多蓄多藏豈足論有誰還議濟王孫能於禍處翻

為福解向讐家買得恩，幾怪鄧通難免餓。須知夷甫不曾朝，言爭暮競歸何處。盡入權門與倖門。

尚書筵中詠紅手帕

鶴綾三尺曉霞濃，送與東家二八容。羅帶繡裙輕好繫，藕絲紅綾細初縫。別來拭淚遮挑臉，行去包香墜粉。曾無事把將纏皓腕，為君池上折芙蓉。

尚書新造花牋

濃染紅桃二月花，只宜神筆縱龍蛇。淺澄秋水看

雲母碎，擘輕苔。間粉霞寫賦好，追陳后。龍題詩堪送竇滔家。使君即入金鑿殿，夜直無非草白麻。

釣車

荻灣漁客巧粧成，碓鑄銀星一點輕。拋過碧江瀾，瀾岸軋殘金井。輓轡聲軸磨，駢角冰光滑。輪卷春絲水面平，把向嚴灘尋轍跡。漁臺基在輓難傾。

柳

漠漠金條引線微，年年先翠報春歸。解籠飛靄延

芳景不逐亂花飄
夕暉啼鳥噪蟬堪
悵望舞烟搖
水自因依五株名
顯陶家後見說
辭榮種者稀

夜長偏覺漏聲遲
往往隨歌慘翠眉
黃葉落催砧
杵日子規啼破夢
魂時明妃去泣千
行淚蔡琰歸
梳兩鬢絲四皓入
山招不得無家歸
客最堪欺

草

廢苑荒階伴綠苔
恩疎長信恨難開
姑蘇麋鹿食

思食楚澤王孫來
不來色嫩似將藍
汁染葉齊如
把剪刀裁燕昭歿
後多卿士千載流
芳郭隗臺

螢

月墜西樓夜影空
透簾穿幕達房櫳
流光堪在珠
璣列為火不生
榆柳中一一點通
卷字輕輕化出
綠蕪叢欲知應候
何時節六月初迎
大暑風

水

火性何如水性柔
西來東出幾時休
莫言通海能

通漢誰解浮舟也覆舟湘浦暮沈堯女怨汾河秋
泛漢皇愁洪波湍激歸何處二月桃花滿眼流

印留麋鹿野禽蹤巖壁漁磯幾處逢金谷曉凝花
影重章華春映柳陰濃石橋羽客遺前跡陳閣中
人沒舊容歸去掃除堦砌下鮮痕殘點一重重

曉

水盡銅龍滴漸微景陽鐘動夢魂飛潼關雞唱促

歸騎金殿燭殘求御衣窓下寒機猶自織梁間棲
燕欲雙飛羲和暗聳扶桑轡借與寰瀛看早暉

別

酒盡欲終問後期泛萍浮梗不勝悲東門走馬夜
歸處南浦片帆飛去時賦罷江淹吟更苦詩成蘇
武思何遲可憐范陸分襟後空折梅花寄所思

夜

日墜虞淵燭影開沈沈煙霧壓浮埃剡川雪滿子

猷去漢殿月生王母來簷掛蛛絲應漸織風吹螢
火不成灰愁人莫道何時旦自有鐘鳴漏滴催

先思雨

引電隨龍密又輕酒杯閑喚得嘉名千山草木如
雲暗陸地波瀾接海平灑竹幾添春睡重滴簷偏
遣夜愁生陰妖冷孽成何怪敢蔽高天日月明

燕

為實隨流瑞色新泛風縈草護遊鱗密行碧水澄

涵月澁滯輕橈去採蘋比物何名腰下劍無根堪
並鏡中身平湖春渚知何限撥破閑投獨蠶綸

恨

事與時違不自由如燒如刺寸心頭烏江項籍思
歸去鴈塞李陵長繫留燕國飛霜將破夏漢宮紈
扇豈禁秋須知入骨難銷處莫比人間取次愁

鴻

行如兄弟影連空春去秋來燕不同紫塞別當秋

露白碧山飛入暮霞紅
宣王德美周詩內蘇武書
傳漢苑中况解銜蘆避弓箭
無聲歸透鴈聞風

風豈禁鶴賦吟人骨幾能莫山人問煩水愁

閨苑瑤臺歲月長
一歸華表好增傷
新聲乍警初
零露折羽閑飛幾片霜
要伴神仙歸碧落
豈隨龜
鴈住方塘
三山頂上無人處
瓊樹堪巢不死鄉

並與中鵲平陸春詩四下外無火開外開夏倫

神化難源瑞即開
雕銚毛羽出浮埃
香閨報喜行

人至碧漢填河織女回
明月解隨烏繞樹
青銅寧
愧雀為臺瓊枝翠葉庭前植
從侍翩翩去又来

霜

應節誰窮造化端
菊黃豺祭問應紅
窓透出鴛出
衾冷白草飛時鴈塞寒
露結芝蘭瓊屑厚
日乾葵
藿粉痕殘
世間無此催搖落
松竹何人去更看

蘇古詩風春謂叶應林詩樂主殊聖同並小也

城上寒來思莫窮
土囊蘋水兩難同
飄成遠浪江

湖際吹起暮塵京洛中飛雪蕭條殘臘節落花狼
籍古行宮春能和煦秋搖落生殺還同造化功
宣勞孤棹送行舟輕過天涯勢未休斷岸曉看殘
月掛遠灣寒背夕陽收川平直可追飛箭風健還
能泝急流幸遇濟川恩不淺北溟東海更何愁

夢
月落燈前開北堂神魂交入杳冥鄉文通毫管醒

來異武帝衛蕪覺後香傳說已徵賢可輔周公不
見恨何長生松十八年方應通塞人間豈合忙

東

紫氣扶元出故關大明光照九垓間鰲山海上秦
娥去鱸膾江邊齊掾還青帝郊垌平似依主人階
級峻如山蟠桃樹在煙濤水解凍風高未得攀

西

密雲郊外已回秋日下崦嵫景懶收秦帝城高堅

似鐵李斯書土曲如鉤寧惟東嶽凌天秀更有長
庚瞰曙流見說山傍偏出將犬戎降盡復何愁

單單嘉魚憶此方送君前浦恨難量火山遠照蒼
梧郡銅柱高標碧海鄉陸賈幾時來越島三閭何
日濯滄浪鍾儀冠幣歸心阻蝴蝶飛園萬草芳

雪滿胡天日影微李君降虜失良時窮溟駕浪鷗

鵬化極海海寄書鴻鴈遲來猶未啓殘兵奔
去杳難追可憐燕谷花開晚鄒律如何為一吹

雲
漠漠沈沈向夕暉蒼梧巫峽兩相依天心白日空
休蔽海上故山應自歸似蓋好臨千乘載如羅堪
剪六銖衣為霖須救蒼生早莫向西郊作雨稀

從待銜泥濺客衣百禽靈性比他稀何嫌何恨秋

須去無約無期春自歸
鷓鴣不容應不怪棟梁相
庇願相依吳王宮女嬌
相襲合整雙毛預奮飛

蟬

寒鳴寧與衆蟲同翼鬢
綫冠豈道窮殼蛻已從今
日化聲愁何似去年中
朝催離菊花開露暮促庭
槐葉墜風從此最能驚
賦客計居何處轉飛蓬

露

鶴鳴先警鴈來天洗竹
雪花處處鮮散綵幾當
蟬

飲際凝光宜對蚌胎前
朝垂苑草烟猶重夜滴宮
槐月正圓休惕與霜同
降日蘋繁思薦獨悽然

霞

天際何人濯錦歸偏宜
殘照與晨暉流為洞府千
年酒化作靈山幾襲衣
野燒散連殊赫奕愁雲陰
隔乍依稀勞生願學長生
術食盡紅桃上漢飛

蒲

濯秀盤根在碧流紫茵含
露向晴抽編為細履隨

君步織作輕帆送客愁疎葉稍違投餌釣密叢還
碍採蓮舟鴛鴦鷓鴣多情甚日日雙雙澆傍遊

非鑿非疏出洞門源深流峻合還分高成瀑布漱
逋客清入御溝朝聖君迸滴幾山穿破石迅飛層
嶠噴開雲舊齋一帶連松竹明月窓前枕上聞

煙
燎野焚林見所從惹空橫水展形容能滋甘雨隨

車潤不並行雲逐夢蹤晴鳥迴籠嘉樹薄春亭嬌
幕好花濃有時片片風吹去海碧山青過幾重

閑

不管人間是與非白雲流水自相依一瓢掛樹傲
時代五柳種門吟落暉江上翠娥遺佩去岸邊紅
袖採蓮歸客星辭得漢光武却坐東江舊蘚磯

雙競龍舟疾似風一星毬子兩明同平吳破蜀三

臥裏滅楚圖秦百戰中春近杜鵑啼不斷寒催歸
鴈去何窮兵還失路旌旗亂驚起紅塵似轉蓬

發事牽情不自由偶然惆悵即難收已聞抱玉沾
衣濕見說迷途滿日流滴盡綺筵紅燭暗墜殘粧
閣曉花羞世間何處偏留得兩點分明湘水頭

碧落誰分造化權結霜凝雪作嬋娟寒蟬若不開

三穴狡兔何從上九天莫見團圓明處遠須看彎
曲鑿時偏却詵樹老堯莫換惆悵今年似去年



釣磯文集卷第十終

天莫... 國... 平... 去... 平...



聖